

KE TLHABO YA LETSATSI

 A re obeng ditlhogo tsa rona. Morena, jaaka re phuthega fano mosong ono o o siameng thata wa Paseka, re bona mahupela a mannye a pateletsatse tsela ya one go ya ntle, dinotshi di fofela mo teng ebile di tsaya kabelo ya tsone, dinonyane di opela okare dipelo tsa tsone di tlaa phatloga ka boipelo, ka gore go na le Paseka. Re dumela gore Wena o tsositse Jesu go tswa mo baswing, dinyaga di le dintsi tse di fetileng, gompieno, mme re keteka letsatsi lena la segopotso.

² Mme lettelela go tle Paseka mo gare ga rona rotlhe, gompieno. Mma rona, jaaka badiredi ba Gagwe, re tlhaloganye Lefoko la Gagwe, gore re ne re le mo kabalanong ya Gagwe ka nako eo, le gore jaanong gore re tsogile le Ena mme re ntse ga mmogo mo mafelong a Selegodimo.

³ Segofatsa tirelo fano ka mo motlaaganeng, le go kgabaganya mafatshe kwa e yang gone, ka mogala ona.

⁴ Fodisa botlhe ba ba lwalang le ba ba tlhokofetseng. Mma e nne Paseka ya bone, le bone, le khuduga go tloga mo bolwetseng go ya nonofong. Mme bao ba ba suleng mo boleong le ditlolong, mma ba tshele gompieno ka Keresete. Mme re tlaa Go baka, donne re go lopa ka Leina la Gagwe. Amen.

⁵ Nna ruri ke kaya sena e le tshiamelo e e gakgamatsang, mosong ono go bo ke boile fano mo Jeffersonville, Indiana, le phuthego ena e kgolo, kereke e kitlane mme go emilwe, le mo tikologong le kwa ntle, le mo dijarateng le gongwe le gongwe. Ko go lone batho mo megaleng go kgabaganya setshaba, ke moso o o montle fano.

⁶ Nako ya botlhano mosong ono, tsala ya me e nnye ka sehuba se se hubidu ne ya fofela golo fa lethhabaphefong mme ya ntsosa. Ne ekete pelo ya yone e nnye e ne e tlaa phatloga, e re, “Ena o tsogile.” Nna ke nnilie ka gale ke akanya ka ga nonyane e nnye ena e le jaaka tsala mo go nna, ka gore ke a e rata.

⁷ Jaaka leinane ka ga yone le bua, “Nonyane e nnye e e thokwa e ne ya Mmona a boga mo mokgorong, kwa boleo boneng bo Mmeile gone.” Gone ke boammaaruri, nonyane e nnye e ne e sena boleo. Ena ga a a ka a tshwanelo go swela nonyane e nnye. “Fela e ne ya fofela mo mokgorong mme ya leka go somola dipekere, ka molongwana wa yone, mme e ne ya dira sehuba sa yone se nne se se hubidu gotlhe gotlhe.” Mme eo ke tsela e ke batlang sa me, le nna, jaaka thebe, ya go leka go sireletsatse Selo sena se se galalelang se A se swetseng.

⁸ Re lemogang gore nako ya rona e ngotlegile fano, bogolo segolo ya ditsala tseo tse di reeditseng mo teng ka mogala ono, ke

tlaa rata go ngokela kelo tlhoko ya lone mosong ono mo setshwa—setshwantshong se nako nngwe e e fetileng se neng sa kapiwa ka sekapaditshwantsho, sa pono e nkileng ka nna le yone fano mo motlaaganeng, ya go tloga fa Indiana, go ya Arizona; kwa ke neng ke tshwanetse ke kgatlhane, le Baengele ba le supa, mo popegong ya phiramiti. Ke neng ke sa itse se se neng se tlaa diragala morago, fa ke ne ke fitlha koo, ke neng ke akanya gore e ne e le bokhutlo jwa botshelo jwa me, gore go ne go se ope yo neng a ka itshokela thuthuntsho e; mme ke tlhomame gore botlhe ba lone lo tlwaelanye le polelo e. Mme ka nako eo ko Sabino Canyon, mosong mongwe o o jaana, fa ke ne ke santse ke le mo thapelong, go ne ga nna le tshaka e e neng ya bewa mo seatleng sa me, mme ga twe, “Mona ke Lefoko, le Tshaka ya Lefoko.”

⁹ Morago, Baengele ba ne ba bonala jaaka go ne go porofetilwe. Mme ka nako yone eo, kokoano e tona ya Lesedi e ne ya tloga fa ke neng ke eme teng, mme ya ya bogodimong jwa dimmaele di le masome a le mararo ko loaping, le go dikologa ka modiko, jaaka diphuka tsa Baengele, mme tsa rala ko mawaping popego ya phiramiti mo lesagaripeng le le tshwanang la Baengele ba ba neng ba tlhagelela.

¹⁰ Boranyane bo ne jwa kapa setshwantsho, tsela yotlhe go tswa kwa Meksikho, jaaka le ne le tsamaya go tloga bokone jwa Arizona, kwa Mowa o o Boitshepo o neng wa bua gore ke tlaa bo ke eme, “dimmaele di le masome a manê ko bokone botlhaba jwa Tucson.” Mme le ne la ya ko lowaping, mme makasine wa *Life* ne wa bontsha ditshwantsho tsa, “Sengwe sa bosaitseweng ka ko magatong, kwa go ka sekeng go nne le monyo gone, kwa go ka se kakeng ga nna le go kaologa ga sepe; bogodimo jwa dimmaele di le masome a mararo, le boatlhamo jwa dimmaele di le masome a le mabedi le bosupa,” mme go tswa gone golo kwa Baengele bao ba neng ba le gone.

¹¹ Jaanong, ba ne ba botsa, gore ba itse. Boranyane, mongwe wa bone ko Tucson, ne a batla go itse botlhokwa bongwe, fela nna ke ne ka se ba bolelele. Lone lotlhe lo go itsile, ke ne ka lo bolelela pele ga nako. Fela go ne go se ga bone; go ne go le ga lone.

¹² Mme jalo he foo O ne a bua le nna, mme ne a re, “Dikano tse Supa di tlaa kanololwa. Masaitseweng a a supa, masaitsweng a a gasupa a Baebele, a a nnileng a kaneletswe esale kwa motheong wa lefatshe, a tlaa senolwa.” Mme rona, le fa re le setlhophha se se kgobaletseng se se nnye, fa re tshwantshwanngwa le lefatshe lotlhe, re akotse ditshegofatso tsena, re utlwa masaitseweng ao. Nyalo, tlhalo, peo ya noga, dipotso tsotlhe tseno tse di farologaneng, re ne ra di senolelwaa ka botlalo, eseng ke motho, fela ke Modimo, ka Boene, yo neng a phutholola masaitseweng ao a a supa; ka ga se Kereke e neng e le sone, ka fa E neng e le mo go Keresete kwa tshimologong, le ka fa E tlaa senolwang ko motlheng wa bofelo.

¹³ Mme jaanong, jaaka lena le ne le ya kwa godimo, re na le setshwantsho kwa ntle mo letlapeng la segopotso. Fela, morago, ke na le setshwantsho se dutse se le teng fano, fa lo lemoga, jaaka makasine wa *Life* o ne o na le sone. Fela ke a ipotsa fa bareetsi ba me, ba ba bonagalang fano, ba kile ba ba ba leba setshwantsho ka tlhoafalo, lo a bona, lo a bona, ka tsela e se tshwanetseng se nne ka yone.

¹⁴ Lo a gakologelwa, ke ne ke rera fa ponatshegelo e e ne e tla, ka serutwa sa Buka ya Tshenolo, kwa baatlhodi ba bogologolo, kwa re neng ra bona Jesu mo go Tshenolo 1. Fa re ne re simolola go bula Dikano tse Supa... kgotsa dipa—kgotsa Dipaka tsa Kereke, ke raya moo, fela pele ga go bulwa ga Dikano tse Supa. Keresete ne a eme ka “moriri o o jaaka bobowa, o le mosweu.” Mme ke ne ka lo tlhalosetsa moo, gore baatlhodi ba kgale ba Makgowa, le baatlhodi ba segologolo, fa ba ne ba tsena mo sedulong sa katlholo, go ikantshiwa, bolaodi jwa bone jo bo feleletseng gotlhelele ba ne ba bo fiwa. Ba ne ba rwala wiki e tshweu, jaaka go ne go ntse, mo godimo ga ditlhogo tsa bone, go bontsha bolaodi jwa bone jo bo feleletseng gotlhelele.

¹⁵ Sentle, fa lo tlaa menola setshwantsho *jaana* mme lo lebeng, lo ka kgona gongwe go se bona go tswa mo bareetsing, gone ke Keresete. Bonang matlho a Gagwe a lebile *fano*, fela ka boitekanelo jaaka go ka kgonega go nna ka teng; a apere wiki e tshweu ya Bomodimo jo bo Feletseng gotlhelele le Moatlhodi wa magodimo otlhe le lefatshe. A lo kgona go bona matlho a Gagwe, nko, molomo wa Gagwe? [Phuthego ya re, “Amen.”—Mor.] Menolela setshwantsho fela go tloga mo go *ena*, tsela e ba neng ba se tshotse ka yone; ko tseleng *ena*, tsela e se tshwanetseng se nne ka yone. Mme lona... A lo kgona go se bona? [“Amen.”] Ena ke Moatlhodi yo o Mogolo golo. Ga go na yo mongwe o sele fa e se Ena. Mme moo ke bosupi jo bo itekanetseng gape, thurifatso gore Molaetsa ona ke Nnete. Ona ke Nnete. O boammaaruri. Mme go Mo dira e seng Motho wa boraro, fela Sebelebele se le esi!

¹⁶ Ka o mosweu, lo a bona, lo bona bontsho, sefatlhego sa Gagwe, ditedu tsa Gagwe, le matlho a Gagwe. Mme lemogang, Ena o lebile... Go tswa mo go Ena go tla Lesedi lena le phatsima mo letlhakoreng la moja, le Ena a lebileng ko go lone. Mme mo sefapaanong, ke kwa A neng a lebile gone, ntlheng ya la moja, kwa A neng a itshwarela moleofi. Mo Leseding la tsogo ya Gagwe, re santse re tswelela ka Leina la Gagwe.

¹⁷ Ke a eletsa, mosong ono, gore ke ne fela ke na le nako e e kalo go—go e dirisa mo ditiragalang tseno tse di makatsang tse di leng ka kwa ga moriti ope wa pelaelo, tse di neng tsa netefatswa dingwaga di le masome a le mararo tse di fetileng, kgotsa di le masome a le mararo le botlhano, gone fano mo kerekeng ena; esale kwa tlase kwa nokeng, motlhang Lesedi le le tshwanang leo le neng le fologa fano mo Jeffersonville, ka 1933, mme le buwa mafoko ao, “Jaaka Johane Mokolobetsi a ne a romelwa go

etelela pele go tla ga ntlha ga Keresete, Molaetsa wa gago o tlaa etelela pele ga bobedi." Re kwa bokhutlong jwa nako, mme re a bo gona. Re a ipotsa dinako dingwe gore gobaneng o sa anama gotlhe mo lefatsheng; gongwe nako nngwe re tlaa nna le tshono ya go tlhalosa seo, fa Modimo a ratile.

¹⁸ Jaanong ke batla gore lona lo buleng mo—mo Dibaebeleng tsa lone, jaaka ka gale re dumela gore Lefoko le tshwanetse le tle pele, go balwa ga Lefoko. Nna ka gale le gale ke bala Leo, ka gore Lone... Mafoko a me ke mafoko a motho, a tlaa palelwa; fela Lefoko la Modimo le ka motlha ope le ka seka la palelwa.

¹⁹ Jaanong re ile go—go bala temana, go tswa mo Dikwalong tse di Boitshepo. Mme re batla go bula, pele, ko mafelong a le mararo mo Baebeleng, a ke a tlhophileng go bala go tswa mo go one. Lengwe la one ke mo go Tshenolo, kgaolo ya bo 1, le temana ya bo 17 le bo 18; fa ke kwa A bonagetseng ka "Moriri wa Gagwe o le mosweu jaaka bobowa; mme dinao tsa Gagwe di le jaaka kgothho." Mme fong ke batla lona gape lo buleng, mo Dibaebeleng tsa lona, Baroma 8:11. Ke tlhophile, mosong ono, mafelo a le mararo go bala, go tswa mo Dikwalong tse di Boitshepo, go nna Molaetsa wa me gompieno, o Morena a o beileng mo pelong ya me ka ntlha ya tsogo. Mme foo ke batla lona lo dire, gape, Mareko 16:1 le 2. Foo ke tlaa bona tsa me—dintlha tsa me tse di dikologileng temana.

²⁰ Jaanong mo go Tshenolo 1:18, re bala Mafoko a, 17 le 18.

Mme erile ke mmona, ke ne ka wela mo dinaong tsa gagwe jaaka ke sule. Mme o ne a bay a seatla sa gagwe se segolo mo go nna, a nthaya a re, Se boife; gonne Ke nna wa ntlha le wa bofelo:

Ke nna yo o tshelang, mme a ne a sule; mme, bona, nna Ke tshela ka bosaeng kae, Amen; mme ke na le dilotlele tsa loso le bobipo.

²¹ Mme mo go Baroma kgaolo ya bo 8 le temana ya bo 11, re bala sena.

Fela fa Mowa wa gagwe yo o tsositseng Jesu mo baswing o nna ka mo go lona, ena yo o tsositseng Keresete mo baswing o tla rudisa le yona mebele ya lona e e swang ka Mowa wa gagwe o o nnang mo go lona.

²² Mme jaanong mo go Mareko kgaolo ya bo 16, kgaolo ya tsogo, kgaolo ya bo 16, ditemana tsa bo 1 le ya bo 2.

Mme erile fa sabata e ne e fetile, Marea Magatalena, mmaagwe... le Marea mmaagwe Jakobose, le Salome, ba ne ba tlisa ditswaiso tse di monko monate, gore ba tle ba tle go mo tlotsa.

Mme go sa le maphakela a magolo ka letsatsi la ntlha la beke, ba tla ba fitlha kwa phupung letsatsi fa le tlhaba.

²³ Jaanong, temana ya me mosong ono, ke batlang go tsaya gore e nne temana: *Ke Tlhabo Ya Letsatsi*. Mme go nna serutwa, ke batla go dirisa, “Thata e e tshedisang.”

²⁴ Jaanong, lo a itse, lone gongwe lo ne lo ntse lo utlwa seromamowa le badiredi ba ba farologaneng ba bua. Le Mokaulengwe Neville wa rona yo o tlhompheng mo mosong ono a bua serutwa sa gagwe sa Paseka, ka tsogo. Mme ke ne ka akanya gore gongwe nna ke tlaa se tsaya ka tse—tsela e nnye e e farologaneng, eseng go nna yo o farologaneng, fela go oketsa fela mo gongwe mo gonye, gongwe ka phekelo e nngwe, ka ntlha ya lone. Dikwalo, phekelo nngwe le nngwe e o e tsayang ka Dikwalo, Yone ka gale le gale e tlhalosa Jesu Keresete. O ka se kgone go tlogela kgakala le gone, le ka tsela epe. Go tlhola go Mo tlhalosa.

²⁵ Jaanong, jaaka lefatshe gompieno le le mo tirelong ya sego—segopotso, kgotsa, le gale, mo United States le fa lethakoreng leno la lefatshe, mosong ono, mo dikerekeng le gotlhe gotlhe, go ketekiwa segopotso sa a—sa a phenyo e kgolo go gaisa thata e motho a kileng a ba a nna le yone.

²⁶ Ke akanya gore, jaaka Mmoloki fa A ne a swa, kgotsa jaaka lesea fa A ne a tsalwa, O ne a ka se kgone go bo a le fano fa e se fa a ne a setshedi se se neng se tlie mo lefatsheng. Mme fa A ne a swa, ka nnete O ne a letlanyetsa boleo jwa rona. Fela, le fa go le jalo, go nnile go na le bana ba bannye ba le bantsi ba bantle thata ba ba neng ba tsalwa, mme go nnile go na le batho ba le bantsi ba ba neng ba boga mme ba swela maikaelelo a nnete, fela ga go ise go nne le mongwe yo neng a kgona go itsosa gape go tsamaya mo letsatsing le.

²⁷ Jaanong, eo ke beke e kgolo go gaisa thata mo ditsong, mokete o mogolo go gaisa thata wa dinako tsotlhe, Paseka ena ke kwa A netefaditseng se A neng a se bua. Motho a ka bua dilo, fela le fa go le jalo ga se totatota se se ka dumelwang, ka botlalo, go tsamaya go ne go tlhotlhonisitswe go bo e le Boammaaruri. Mme jaaka Modimo, Yo neng a re, “Tlhotlhomisa dilo tsotlhe; le tshware thata seo se se molemo,” Ena a ka se go bolelele go dira sengwe se Ena a ka se se direng ka Boene. Jalo he O ne a netefatsa Yo yona a neng a le ene yo neng a swela boleo jwa rona.

²⁸ Mme, jaanong, ga se fela letsatsi la segopotso, gotlhe ga tsa dithunya tsena tsa Paseka, dihutshe tsa basadi tsa Paseka, le mebutla e e pinki, le jalo jalo, tse re tseneng ka mo go tsone, le mokete o o boitshepo; mo go siameng, fela mona ga se selo sa mmatota ka tsela eo.

²⁹ Jaaka batho gompieno ba leka go re, “Re tshwanetse re tlhatswe dinao gangwe ka ngwaga, ka—ka Labone, le ka Labotlhano re tshwanetse re jeng selalelo,” le dithuto tsotlhe tse dingwe tse di farologaneng tsa kereke ka ga... Ba ngangisana ka ga a kana go tshwanetse go nne letsatsi *lena* kgotsa letsatsi *lele*, kgotsa a kana go tshwanetse e nne letsatsi la sabata kgotsa

letsatsi la ntlha la beke; kgotsa... Dilo tsotlhe tsena ke fela ngwao fela. Ke molemo ofeng o epe ya gone e tlaa go go direlang, a kana o nnile le Lente kgotsa ga o a nna le Lente, fa go se Botshelo bope ka mo go wena? Ke segopotso fela. Mo e leng gore, ga go sepe kgatlhanong le gone, fela bona ruri ba diragaditse dingwao tsa bona, fela ba ne ba tlogela ba sa dira selo sa konokono.

³⁰ Satane ga a kgathale ka fa o leng bodumedi ka teng, kgotsa ka fa o nepagetseng ka teng mo Thutong ya gago ya kereke. Fa o fetwa ke Botshelo joo, wena o ka se tlhatloge, le fa go le jalo. Go sa kgathalesege ka fa o leng bodumedi ka teng, ka fa o siameng ka teng, ke dikereke di le kae tse o neng o le leloko la tsone kgotsa o tlaa nnang leloko la tsone, ga go tshwenye ka selo se le sengwe fa e se fa wena o ne wa tsalwa seša.

³¹ Ka moo, fa Modimo a tsositse Jesu mo baswing, a O ne a Mo tsosetsa segopotso? Mme a moso ona wa tsogo ke fela letsatsi le le lengwe mo ngwageng, kgotsa letsatsi le lengwe le re ketekang sena? Kgotsa, a rona re baamogedi ba molemo wa tsogo ya Gagwe? E raya eng mo go nna? E raya eng mo go wena? Jaanong re a dumela, ka tumelo, gore O ne a tsoga baswing, fela seo se amana le nna ka eng? Moo go ne go le dingwaga di le dikete di le pedi tse di fetileng.

Jaanong go fitlhela temana ena!

³² Jaaka ke ne ke lapile, letsogo la me le nkutlwisa botlhoko, ka ntata ya mekento e mooki a e nneileng. Gonno, ke tloga go ya moseja ga mawatle jaanong, jaaka lo itse, mo malatsing a le mmalwa, mme ke tshwanetse ke nne le mekento e, morwa le nna. Mme ka ntlha ya letshololo, mogotelo o mosetlha, le sengwe le sengwe, ke ne ke lapisegile thata, go ntira gore ke lwale. Mo e leng gore, Kaisara o batla gore o tseye mekento ena pele ga o ka ya ko setšhabeng se sele. Mme O ne a re, "Naya Kaisara seo se e leng sa ga Kaisara, fela foo o neye Modimo seo se e leng sa Modimo."

³³ Mme jaaka ke ne ke ntse foo, ke ipotsa se ke tlaa se bolelelang bareetsi bana ba ba letileng mosong ono; ba nna ke ba lebogelang, mme e le banna le basadi ba ba tlaa bayang botshelo jwa bone mo diphatseng ka ntlha ya se wena o tlaa se bolelang. "Ke tshwanetse ke go dire jang? Ke tshwanetse ke tseye eng go nna temana?"

³⁴ Mme erile ke santse ke ntse foo, ke batlile ke robetse, mojako wa me o ne wa kgwasa, kwa ntle kwa letlhakoreng lwa kwa pele ga ntlo. Go neng go se ope foo fa e se nna, go ya ka fa ke neng ke itse. Ke ne ka reetsa. Ke ne ka se go tlhaloganye fela sentle. Morago ga lobakanyana, mojako wa phaposi ya boikhutso, kwa ke tsenang ka ko ntlong ya me ya boithutelo, o ne wa kgwasa, mme mongwe o ne a tswelela a tshikinya mojako. Mme ke—ke ne ka ya kwa mojakong ka bo ke bula mojako, mme, ke ne ka

gakgamala, mo—mosetsana yo montle, yo monnye, wa moriri o mosetlha, wa matlho a mabududu ne a eme foo, a lebega jaaka sethunya se sennye sa Paseka; yo a dutseng fano a ntebile jaanong.

³⁵ O ne a nnaya karata. Mme e ne e le kara...Jaaka go sololetswe, ke fopholetsa gore fa ke fitlha gae go tlaa bo go na le dikarata tsa Paseka le jalo jalo; fela e le nngwe e le esi, ke neng ke emeleta kwa gae, e ke neng ke e amogetse. Mme o ne a re, "Mokaulengwe Branham, ena e tswa kwa go ntate le nna." O ne a batla go tlhomamisa gore "nna" a ne a le mo go yone. Mme rraagwe yo o nang le sekorotlwane, a dutse mo setilosekolonkothwaneng, o ne a rometse karata ena. Erile ke e tsaya mme ke lebogile moratwi yo monnye, jaaka a ne a retologa mme a tsamaya go tloga mo mojakong, ke ne ka bula karata.

³⁶ Mme mo popegong ya karata ena ke ne ka ntsha temana ya me. Gonne, mo karateng go ne go le Moitshepi Mareko 16:1 le 2, tlhabo ya letsatsi, letsatsi le ne le tlhaba. Foo ke ne ka akanya ka ga seo, mme foo le ka serutwa sa "go rudisiwa," ga Jesu Keresete gore a tle a tsosiwe mo baswing, ke ne ka ntsha serutwa sa me.

³⁷ Jaanong, letsatsi, kwa tlhabong ya letsatsi. Sentle, go ne go na le nako e lefatshe le neng le le fa lefifing le le tseneletseng thata. Le ne le se na popego epe, mme le ne le tobekanye. Mme le ne le khurumeditsw gotlhe ke metsi, mme le ne le dutse foo mo lefifing, seemo se se utlwisang botlhoko, se se bodutu. Mme Mowa wa Modimo o ne wa tsamaya mo godimo ga metsi, mme ne a re, "A lesedi le nne teng." Modimo ne a na le lebaka la go dira seo, gonne golo kwa tlase ga metsi ao go ne go na le dipeo tse A neng a di jwetse, mme di ne di tshwanetse di nne le lesedi leo la letsatsi go di dira gore di tshele.

³⁸ Mme Lesedi la ntlha le le kileng la fiwa mo lefatsheng e ne e le Lefoko le le builweng la Modimo. Lesedi la ntlha le le kileng la kgoma lefatshe e ne e le Lefoko la Modimo le le builweng. O ne a re, "A lesedi le nne teng," mme lesedi le ne la nna teng. Moo go ne ga fetolela lefifi ka mo leseding, gore go tle go tlise mo pontsheng lobopo lwa boipelo le botshelo mo lefatsheng. Ne ga tloga, Mowa wa Modimo, jaaka O ne o tsamaya ka lorato le bopelotlhomogi, ka letsatsi le le golo leo, letsatsi la ntlha la go tlhagelela ga lobopo mo lefatsheng; letsatsi le ne la tlhaba la bo le tsamaya go kgabaganya, marang a lone, mme la omisa metsi mo lefatsheng, mme la dira loapi mo godimo. Mme, mo nakong ya lone ya ntlha, le ne le tshwanetse go tlisa boipelo le botshelo mo lefatsheng, ka peo. Eo e ne e le oura e kgolo.

³⁹ Fela, ao, e ne e se sepe, tlhabo eo ya letsatsi, se se jaaka tlhabo ya mo mosong oo wa Paseka. Ka nako e, letsatsi le neng le tlolela ka ko mawaping, le ne la tlisa mo pontsheng tlhabo ya letsatsi e kgolo go feta go na le e kileng ya nna teng le ka nako nngwe; ka gore e ne ya tla e le dikgang tse di tona go gaisa thata ka tlhabo

eno ya letsatsi, go na le ka fa e dirileng ka tlhabo ya letsatsi kwa tshimologong. Tlhabo ena ya letsatsi e ne ya tlisa dikgang, gore, "O tsogile! O rудisitswe mo baswing, jaaka A soloeditse. O tsogile mo baswing."

⁴⁰ Lekgetlo la ntlha le letsatsi le neng la tlhaba, mo go Genesi, le ne le tlisa molaetsa gore go tlaa nna le botshelo mo lefatsheng, botshelo jwa mmele o o swang.

⁴¹ Fela lekgetlo lena, fa letsatsi le ne le tlhaba, go ne go na le tlha—tlhabo ya letsatsi e e gabedi; e nngwe, Morwa, a tthatloga. E ne e le tlha . . . eseng fela l-e-t-s-a-t-s-i le tlhaba, e ne e le M-o-r-w-a o tsogile go tlisa Botshelo jo Bosakhutleng ko Peong yotlhe ya Modimo e e soloeditsweng e ka kitsetsopel A e boneng e le mo godimo ga lefatshe.

⁴² Botshe—botshelo jwa dimela jo bo neng bo tsela kwa morago kwa tshimologong bo ne bo ka se kgone ntle le l-e-t-s-a-t-s-i go bo rudisa gore bo tshele; ga se mo go fetang go feta, gompieno, motlhlang o bomorwa Modimo ba leng mo lefatsheng, go tsaya M-o-r-w-a Lesedi go ba tlisa mo Botshelong jo Bosakhutleng, batlhophiwa ba Gagwe ba A ba itsileng pele ga motheo wa lefatshe. O ne a ba tlhophiwa ka mo go Ena pele ga motheo wa lefatshe.

⁴³ Mme mo mosong wa Paseka, ka nako eo, mo loroleng lena golo gongwe go ne go dutse mebele ya rona ka nako eo, gonne re lorole lwa lefatshe. Mme ko Legodimong, go ne go na le Buka ya segopotso, mme dikao tsa Gagwe di ne di le ka mo go Ena, a neng a itse gore ka gore Morwa yona wa Modimo o ne a tsogile, Gone gape go ne go tlaa tsosa morwa mongwe le mongwe yo neng a laoleletswe nako ena pele. O ne a itse gore go tlaa nna jalo. Mme a tlhabo ya letsatsi e e galalelang go gaisa go feta e eo e neng e le yone go feta ka fa e neng e le ka teng kwa tshimologong, kwa nakong e go neng go osa lantlha.

Jaanong, ka ga go bula mo go golo mona ga Sekano sa Paseka!

⁴⁴ Jaanong, gompieno re na le kgotlholo e tona, sekano sa Paseka. Batho ba romela molaetsa, mongwe ko go yo mongwe, le go tshegetsa letlole le le golo lena kgotsa maiteko, gore dingaka le boranyane jwa tsa ka kalafi bo dire mo sengweng, go nyafatsa kgotsa go thusa kgotlholo e tona. Tsone di kaneletswe, se re se bitsang sekano sa Paseka, fa re romela molaetsa mongwe ko go yo mongwe. Fela fa re amogela molaetsa, sekano seo se kgaolwa, ka gore sekano ke se se tshotseng molaetsa o tswaleletswe ka mo teng.

⁴⁵ Mme jaanong, Sekano sa nnete sa Paseka, mo tlhabong ena ya letsatsi, se ne sa kgaolwa; mme sephiri, sa Botshelo morago ga loso, se ne sa senolwa. Pele ga nako eo, re ne re sa itse. Lefatshe le ne le ikokoantse mo lefifing, le apaapa mo tikologong, pelaelo ya motho. Dikakanyetso di ne di le mo gare ga pelo ya motho,

ngwao e ne ya diriwa. Batho ba ne ba obamela medimo ya seseto. Ba ne ba obamela letsatsi. Ba ne ba obamela mehuta yotlhe ya medimo. Mme mehuta yotlhe ya batho ba ba neng ba dira maipolelo, botlhe ba ne ba ya ka ko lebitleng, mme ba ne ba nna mo lebitleng.

⁴⁶ Fela Sekano sa mmannete se ne se kgaotswe, mme Mongwe Yo gangwe a neng a tshela jaaka re tshela, a neng a swa jaaka rona re tlaa swa, ne a tsogile mo baswing. A moso oo! Ga go ise go ke go nne le mongwe o o jaaka one, mo ditsong tsotlhe tsa lefatshe. Sephiri se ne sa senolwa gore O ne a le tsoopedi tsogo le Botshelo.

⁴⁷ Mme O ne a re, motlhang A ne a tswelela pontsheng mosong oo, “Ka gore Ke a tshela, lo a tshela le lone.” Eseng fela gore Ena o ne a le moamogedi wa molemo wa tsogo, fela Peo yotlhe eo e e neng e itshetletse mo tsholofetsong e kgolo ya Modimo e ne e le moamogedi wa molemo wa go tsogela Botshelong. Ka gore, O ne a re, “Ka gore Ke a tshela, le lona le tla tshela.” Moo e ne e le go kgaolwa ga Sekano. Ka gore O ne a tsosiwa, go tlaa nna jalo le ka mongwe le mongwe yo o leng ka mo go Keresete a tsosiwa le Ena.

⁴⁸ Kwa tlhabong ena e e galalelang ya letsatsi, Modimo ne a tlhotlhomisa, kgotsa a rurifatsa, Lefoko la Gagwe. Maitlhobogo otlhe le pelaelo tse di neng di tsene ka mo megopolong ya batho di ne tsa tlosiwa, ka gore Ena o ne a le fano Yo gangwe a neng a tshela, a ja, a nwa, mme a abalana le sika la setho, yo neng a re, “Ke na le thata ya go baya botshelo jwa Me fatshe; Ke na le thata ya go bo tsosa gape.” Mme jaanong eseng fela gore O dirile polelo e, fela O e netefaditse gore ke Boammaaruri. Ao, a selo se se galalelang se moo go leng sone!

⁴⁹ Ke tlhomamisitse gore mosong ono gore le e leng rona, ba re dumelang, ga re kgone go tlhalogany ka fa seo se leng selo se segolo ka teng. Ka gore O ne a tsoga mo baswing, le rona re setse re tsogile mo baswing, gonne re ne re le mo go Ena.

⁵⁰ Lemogang jaanong. Jaaka phifalo e ne e khurumeditse lefatshe, mme dipo di ne di ka se kgone go tshela kwa ntle ga tlhabo ya l-e-t-s-a-t-s-i, mme phifalo e ne e khurumeditse lefatshe. Mme jaanong M-o-r-w-a o ne a tsogile, mme boitlhobogo jotlhe bo ne bo nyeleditswe ke Lesedi lena, jaaka Le ne le gasama go kgabaganya ditshaba, go ya ko bathong, gore, “Ena ga a fano, fela O tsogile!” A pole—a polelo! O ne a netefaditse Lefoko la Gagwe. O ne a Le netefaditse, go bo e le nnete, gonne jaanong O ne a fentse loso, bobipo, le lebitla.

⁵¹ Boraro jwa ga diabolo; loso, bobipo, le lebitla; gonne Satane ke mosimolodi wa loso, ena ke morui wa bobipo, mme gape le lebitla. Mme moo e ne e le boraro jwa ga Satane, bo neng bo bakwa ke selo se le sengwe, se e neng e le loso. Loso, o ye kwa lebitleng; mme o leng moleofi, o ya bobipong. Tsotlhe sone selo

se le sengwe, boraro jwa ga Satane, jo e neng e le loso. Jo bo neng bo tshwere batho dingwaga tsotlhe tsena.

⁵² Fela jaanong boraro jwa nnete jwa Modimo, bo leng Bongwefela jo bo bonaditsweng mo go Keresete, Yo e neng e le Botshelo, mme a ne a robile Dikano eibile a fentse mmaaba, a ba a tsoga, Modimo a le mongwe wa nnete le yo o tshedileng. “Ke nna Ena yo neng a sule, mme Ke tshela ka bosafeleng, eibile ke na le dilotlele tsa loso le bobipo.” Modimo, mo Bongwengfeleng, a dirilwe Motho, mme a nna mo gare ga rona, eibile a fentse mmabaa mongwe le mongwe. Mme a netefaditse gore boraro jwa ga Satane bo ne bo fentswe, le gore boraro jwa Modimo bo ne bo itsisitswe, ka gore Modimo fela a le esi ne a na le thata ya go busa Botshelo gape. O ne a le Emanuele yoo. Modimo ne a bonaditswe mo nameng.

⁵³ Ga e kgane Ena ne a kgonaa go bua foo, Matheo kgaolo ya bo 27, “Dithata tsotlhe ko Legodimong le lefatshe di neetswe ka mo seatleng sa Me. Ke lo romela go nna basupi ba Me, ko lefatsheng lotlhe.” O ne a fentse tsotlhe loso, bobipo, le lebitla. Eseng fela gore O ne a dirile seo; gape ne a tla fa pontsheng, a fentse, ka dithata tsotlhe ko Magodimong le mo lefatsheng. Tsotlhe tse di neng di le tsa ga Rara, gotlhe mo go neng go le Mowa o o Boitshepo, le gotlhe se le ka nako nngwe go kileng ga nna teng, go ne go le ka mo go Ena. “Dithata tsotlhe ko Legodimong le mo lefatsheng di neetswe Nna.” Sengwe le sengwe se sele ga se na thata. O ne a se fentse.

⁵⁴ Jaanong! Mme foo, eseng fela moo, O ne a rometse Lefoko ko barutweng ba Gagwe, ba Gagwe ba ba neng ba dumela. “Lo se boife, gonne Ke nna Ena yo neng a sule, mme ke tshela gape ka bosafeleng. Mme Ke na le dilotlele tsa loso le bobipo; Ke sentse ke go fentse. Lo se tlhole le boifa, gonne Peo nngwe le nngwe e e laoletsweng pele, e e tlhomamiseditsweng pele ya Modimo e tla rulela Botshelong nako e Lesedi leo, la Efangedi e e galalelang le gasamang go kgabaganya lefatshe. Mo pakeng nngwe le nngwe, Le tlaa tlisa mo pontsheng thobo e Modimo a E laotseng gore e e dire.” O ne a tsogile mo baswing.

⁵⁵ Ao, a selo se se gakgamatsang se seo e leng sone, “Ke a tshela, kgotsa ke rudisitswe.” Lefoko le raya, lefoko *rudisitswe*, lefoko la Segerika le raya gore ke sengwe se se “tshedisitsweng morago ga loso.”

⁵⁶ Jaaka pe—peo e e tsenang ka mo lefatsheng, e tshwanetse e swe, bonnennyane bongwe le bongwe jwa peo. E tshwanetse e bole, bonnyennyane bongwe le bongwe jwa peo. Mme bonnyennyane bongwe le bongwe jwa botshelo, jo bo neng bo le ka mo peong, bo tshwanetse bo tswele pontsheng gape.

⁵⁷ O ne a “rudisiwa.” Eseng fela seo. “Mme ke tlaa romela Botshelo jo bo tshwanang jo bo Ntshedisitseng, Thata e e

Nketshitseng mo lebitleng, Ke tlaa E romela mo go lone, go le rudisa, gore kwa Ke leng gone lo nne koo le lone.”

⁵⁸ Mo go Luka, kgaolo ya bo 24, temana ya bo 49. O ne a re, “Bonang, Ke romela tsholofetso ya ga Rara mo go lone; fela diegang, kgotsa letang, ko motsengmogolo wa Jerusalema, go tsamaya lo nonotshwa ka Thata go tswa kwa Godimodimo.” Go supegetsa gore eseng fela gore O ne a ntsha melemo mo go gone, fela O ne a tlhakanelo melemo eo.

⁵⁹ O ne a tlaa go rekolola, kgotsa go tlisa fa Botshelong, Peo eo e tlhomamiseditsweng pele e Modimo a e boneng pele ga motheo wa lefatshes mme a tsentse maina a bona mo Bukeng ya Botshelo. Mme ke bano mo lefatsheng, ba tlhoka tshepo; Ga a a tla go nna fela Tshegofatso, fela go tlhakanelo Tshegofatso e le Peo nngwe le nngwe e e tlhomamiseditsweng pele. Jaanong, fa Peo e ne e se fa lefatsheng, e ne e ka se kgone go tshela. E ne e tshwanetse go bo e le fa lefatsheng, mme gape e newe mowa wa go tshela. Ga go kgathalesege ga leelee ka fa E neng e bolokilwe mo lefifing, e Tlaa tswela pontsheng motlhlang M-o-r-w-a a phatsimang mo godimo ga Yone. Lemoga jaanong, O tlaa go E tlhakanelo le rona.

⁶⁰ Ga e kgane Efangedi e le dikgang tse di molemo. Lone lefoko *Efangedi* le kaya “dikgang tse di molemo.” Dikgang tse di molemo, eng? Fa motho a swa ka ntsha ya rona, moo ke dikgang tse di molemo. Fa Keresete a ne a tswalwa, moo e ne e le dikgang tse di molemo. Fela ga go ise go ke go nne le dikgang, ga go ise go ke go nne le dikgang jaaka dikgang tsena, gore, Ena Yo o dirileng tsholofetso o tlhomamisitse tsholofetso, gore, “O tshedile ka bosaeng kae, mme o na le dilotlele tsa tsoopedi loso le bobipo, mo seatleng sa Gagwe.” Boitlhobogo jotlhe bo ne jwa latlhwa. Go ne go sa tlhole go na le boitlhobogo bope jo bo neng bo bonwa, gonne Morwa o ne a tsogile mo lebitleng. Go ne go sena, “Sentle, O tlaa tla, kgotsa A ka nna a tla.” O ne a setse a tlie, Efangedi, dikgang tse di molemo!

⁶¹ Lemogang, one Molaetsa wa Efangedi, ka Boone, ke go netefaletsa batho gore O tsogile. “Tsamaya o bolelele barutwa ba Me gore Ke tsogile mo baswing, mme Ke tlaa kgatlhana le bone, go ba tlhomamisetsa sena.” Oho Modimo, ka fa mo motlheng ono wa bofelo go tlaa nnang le Lesedi gape go kgabaganya lefatshes! “Mme Ke tlaa netefaletsa barutwa ba Me! Tsamaya o ba bolelele gore Ga ke a swa, mme Ga ke ngwao, fela Ke nna Keresete yo o tshedileng. Ke tlaa ba kgathantsha. Isa Molaetsa ona ko barutweng ba Me, gore Nna ke tsogile baswing,” Efangedi, dikgang tse di molemo.

Wa re, “A moo go jalo?”

⁶² Bahebereg 13:8 ne ya re, “O tshwana maabane, gompieno, le ka bosaeng kae.” Rona, baamogedi, re tshwanetse re netefatseng gore Botshelo jwa Gagwe bo ka mo go rona jaanong, baamogedi wa Botshelo jona. Botshelo, ga go ise go ke go nne le botshelo

jo bo kileng jwa tshelwa jaaka bone; O ne a le Morwa Modimo. Mme O ne a swa, mme seo se ne sa go tswalelela ntle; fela erile A ne a tsoga gape go tswa mo baswing, mo mosong wa Paseka, ka ntlha eo rona, jaaka batlhanka ba Gagwe, re rongwa ke Ena go tswela ka ko lefatsheng lotlhe mme re tlise dikgang tsena tse di molemo ko mothong mongwe le mongwe, gore O tshedile. Mme re ka go dira jang ka Lefoko fela? Gonno go kwadilwe, “Efangedi ga e a tla ka Lefoko fela, fa e se ka thata le ponatsho ya Mowa o Boitshepo, go netefatsa gore O tshedile.”

⁶³ Jaanong, fa go na le Efangedi e nngwe, jaaka Paulo a ne a bolelela dsengwe sa ditlhophpha, “Ke maketse thata gore lo fetogetse kwa efangeding e nngwe.” Mo e leng gore ga go na e nngwe, fa e se efangedi ya boiketsisa bodumedi, kwa naaneng ya selekoko, go tloga mo dikgannyeng tseo tse di molemo.

⁶⁴ “Mme ka gore Ke tshedile, lo tshedile le lone. Mme Ke tshela mo teng ga lone, ebile ditiro tse Ke di dirang,” Johane 14:12, “ditiro tse Ke di dirang di tlaa Ntshupa ka mo go lona.” A Molaetsa! Ga e kgane, re nnile le lefatshe le lefifi la thuto ya bodumedi le tumelo, fela mo nakong ya maitseboa go tla tla Lesedi gape. Go tlaa nna le tsogo ka nako ya maitseboa. Go tla nna Lesedi fa nakong ya maitseboa.

⁶⁵ Jaanong, jone boleng tota jwa Molaetsa o o neng wa romelwa, gore, “O tsogile mo baswing,” rone baamogedi ba mosola wa Gagwe, rona ba re tlhakanelang tsogo le Ena, re amogela melemo go tswa mo go sena, ka go netefaltsa lefatshe gore O tshedile. Re ka se kgone go go dira ka lefoko fela. Re ka se kgone go go dira ka ngwao nngwe ya motho. Re bonagatsa fela totatota se re supelang kwa go sone.

⁶⁶ Ke a boifa gore gompieno ba le bantsi ba rone ga re ise batho kwa go Keresete. Re ba isa kwa kerekeng, kwa go se se beilweng mo megopolong e seng se se diragalang. Fela re tshwanetse re ba ise kwa go Keresete. Ke ena Yo o esi, mme A le esi yo o nang le Botshelo. “Ena yo o nang le Morwa o na le Botshelo.”

⁶⁷ Mme fa botshelo jwa motho yo o suleng bo tsenngwa ka mo go wena, o tlaa tshela botshelo jo bo tshwanang jo a bo tshedileng.

⁶⁸ Fa madi a motho a ne a le mohuta o o rileng, mme o tsere madi go tswa mo mothong mongwe wa bo o fetola madi a monna mongwe yo go nna a yo mongwe, ena go sena pelaelo epe o tlaa nna mohuta oo wa madi.

⁶⁹ Mme fa mowa wa gago o o leng ka mo go wena o kaiwa o sole, mme wena o tloditswe ka Botshelo jo bo neng bo le mo go Keresete, bo le mo go wena! Baroma 8:11 ne ya re, “Fa Mowa o o tsotsitseng Keresete mo baswing, o nna ka mo go wena, One gape o tlaa rudisa mmele wa gago o o swang,” Botshelo jo bo tshwanang joo, dithata tse di tshwanang, baamogedi ba melemo ba ba tshwanang ba A neng a na le bone fano mo lefatsheng, go tswa kwa go Modimo. O ne a lo rekolola, Peo e e neng e itsetswa

pele ke Modimo, ba maina a bone a neng a tsenngwa mo Bukeng ya Kwana ya Botshelo pele ga motheo wa lefatshe.

⁷⁰ Mme Lesedi leo la Efangedi ya tsogo, tlhomamiso ya Lefoko! Re ne ra itse jang gore O ne a le Keresete? Ka gore O netefaditse se A buileng ka ga sone. Ke tlala itse jang Molaetsa wa oura? Modimo o netefatsa se A se sololeditseng, mme O bua ka ga sone. Moo ke tshupo, gore re baamogedi ba melemo le Ena mo tsogong. O netefatsa se A neng a bua ka ga sone.

⁷¹ Se a sololeditseng go se dira mo go Keresete, O se netefaditse mo tsogong. Se A sololeditseng go se dira mo metlheng ya ga Moshe, O se netefaditse. Se A sololeditseng go se dira mo metlheng ya ga Enoke, O se netefaditse. Mo malatsing otlhe a baapostolo, O go netefaditse.

⁷² Jaanong mo motlheng ono, O netefatsa se A se buileng, ka gore bone ke bontlhabongwe jwa Peo e e neng e emetswe mo Bukeng ya Botshelo e A neng a tla go e rekololela morago kwa go Modimo gape. Ao, a Molaetsa!

⁷³ Mo mosong wa Paseka, ga A a ka a tsoga fela, fela baamogedi ba melemo ya Gagwe ba tsogile le Ena. Ena... Ba ne ba le mo go Keresete kwa papolong ya Gagwe. Ba ne ba le mo go Ena kwa tsogong ya Gagwe. Re baamogedi ba melemo ya Gagwe, re rudsitswe morago ga re ne re sule mo lefifing.

⁷⁴ Lefatshe le le fifaditsweng la tumologo, kwa dikereke le makoko, le jalo jalo, di neng di re gogetse gone. Mme go na le sengwe mo teng ga rona se se bitsang, "Ao, re batla Modimo!" Re tshwerwe ke tlala eibile re nyoretswe Modimo." Re ne ra ipataganya le Methodisti, Baptisti, Mapentekoste, Mapresbitheriene, le eng se sengwe, mme go santse go ne go na le sengwe se se phoso, re ne fela re sa kgone go Go fitlhela ka nako eo. Mme ka tshoganetso, fa re ne re santse re apaapa mo lefifing, tsogo e kgolo ne ya tla mo go rona mo ponatshong ya Lefoko la Modimo le le sololeditsweng.

⁷⁵ Go tshwana le gore, O ne a le ponatsho ya Lefoko la Modimo le le sololeditsweng. "Ga ke na go tlogela mowa wa Gagwe wa botho kwa bobipong, eibile Nka se lettelele Moitshepi wa Me go bona go bola." O Go bonaditse, Lefoko lengwe le lengwe la Modimo le le neng le sololeditswe Ena. O ne a go netefatsa fa A ne a tsoga mo mosong wa Paseka.

⁷⁶ Jaanong, bao ba ba neng ba apaapa mo lefifing eibile ba kalakatlega mo tikologong, a kana ba tshwanetse ba tlhape dinao mo letsatsing *lena*, kgotsa fa ba tshwanetse ba tshegetse letsatsi le le rileng, kgotsa ba dire setlhophsa sa melao e e rileng, dilo tsotlhе tseo di ne tsa feta. Gonne, go ne ga nna le tsogo e e galalelang e e neng ya palela sengwe le sengwe se se dirilweng ke mothо se mothо a kileng a se dira, lebaka lengwe le lengwe le dirilweng ke mothо.

⁷⁷ Ga go ise go ke go nne gone, go tsamaya go nna nako eo, motho yo neng a kgona go ntsha botshelo jwa gagwe a ba a bo tsaya gape. O ne a palela netefatso eo ya boranyane e ba neng ba na le yone, ka go tsoga gape.

⁷⁸ Fa ba re, gore, "Jesu Keresete ga se yo o tshwanang maabane, gompieno, le ka bosaeng kae," gore, "Thata ya Gagwe ga se e e tshwanang," gore, "Efangedi ya Gagwe ga se e e tshwanang," fa Baebele e bua gore ke Mo go tshwanang! Modimo ne a ganelo mo pontsheng lekoko lengwe le lengwe, tumelo nngwe le nngwe ya kereke, mme A tswelela pele ka Mowa wa Gagwe o o Boitshepo, jaaka A soloeditse, mme a re netefaletsa, gore O tshedile.

⁷⁹ Re baamogedi ba melemo ya tsogo ya Gagwe, re rudisitswe morago ga re ne re sule mo lefatsheng, mo boleong le ditlolong. "O re rudiseditse ga mmogo le Ena, a re tsosa le Ena, jaanong re ntse mo mafelong a Selegodimo mo go Keresete Jesu." O tlisa . . .

⁸⁰ Mowa wa Gagwe o tlisa Botshelo jwa Gagwe jo bo tshwanang gape mo lefatsheng. "Fa Mowa wa Modimo, o o tsositseng Keresete," mmele, mmele o o tloditsweng; fa Mowa wa Modimo o ne wa tlotsa mmele oo ka tsela eo, motlhlang Peo eo e ne e wela mo lefatsheng, Ena o ne fela a ka se Mo tlogele a nne foo. Nnyaya. O ne a Mo rudisa mme A mo tsosa. "Mowa o o tshwanang oo," ka ditiro tse di tshwanang, ka Thata e e tshwanang, ka ditshupo tse di tshwanang, "di le mo go wena, O tlaa go tsosa le wena."

⁸¹ Ke tlaa rata go le balela Lekwalo le lennye fano. Ke tlaa rata gore lone lo buleng ko Lekwalong le lengwe le ke le kwadileng golo fano. Le ka lo thusa ganny. Le bonwa ka mo Bukeng ya ga Lefitiko, kgaolo ya bo 23, temana ya bo 9 go ya go ya bo 11. Reetsang ka tlhoaafalo. Mo molaong, molao wa Selifi, Modimo a bua le Moshe. Reetsang. Dilo tsotlhe tsena ke ditshwantsho jaanong, mme re tlaa ema fano metsotsa e le mmalwa go tsena ka mo setshwantshong sena.

Mme MORENA ne a buwa le Moshe, a re,

*Bua le bana ba Iseraele, mme o ba reye o re, Fa lona . . .
le tsena mo lefatsheng le Ke le lo neileng, . . .*

⁸² "Ko lefelong, mannong, a ke lo a neileng. Jaanong o bue le bana ba Iseraele, gore fa lo fitlha kwa lefelong lena le le rileng le Ke lo soloeditse gore ke tlaa lo isa, fa lo goroga koo mo lefatsheng lena." Jaanong a bua ka senama fano, a tshwantsha semowa.

*. . . mme lo tla roba thobo ya gone (lo amogetse se
ke lo boleletseng ka ga sone), foo lo tla tlisa ngata ya
mabutswapele a thobo ya lone ko moperesiting:*

*Mme o tla fokisa ngata fa pele ga MORENA, gore lo e
amogelelwe: mo mosong o o latelang morago ga sabata
moperesiti o tla e fokisa.*

⁸³ Fa go tlaa nna le tsamaiso epe ya ditiro tsa sedumedi e e boitshepo, e tshwanetse e diriwe ka letsatsi la sabata, e e neng e le letsatsi la bosupa la beke, le e leng Lamatlhatso. Fela a lo ne lwa lemoga, mo segopotsong sena, tshwanetse go e fokisa mo letsatsing la ntlha la beke?

⁸⁴ “Ngata, e e neng e le ga ntlha ga peo e lo neng lo e jwetse, fa e mela ebile e butswitse, lo segeng ngata ena mme lo e iseng ko moperesiting. Mme le mo letleng a e tseye mme a e fokise fa pele ga Morena, go nna kamogelo ya lone, gore lo amogetswe. Le tlide le ngata ya lone, mme ena o tshwanetse a e fokise fa pele ga Morena, ka . . .”

⁸⁵ Eseng ka sabata, letsatsi la bosupa; fela ka letsatsi la ntlha, le rona re le bitsang Sontaga, S-o-n-t-a-g-a.

⁸⁶ Gone ke boammaaruri, leo ke lefo—lefoko la Seroma, le ba neng ba le bitsa motlha wa letsatsi ka ntlha ya modimo letsatsi. Fela ka fa go fetogileng ka teng!

⁸⁷ Ga e sa tlholo e le l-e-t-s-a-t-s-i. Ke l-e-t-s-a-t-s-i la M-o-r-w-a, letsatsi la Morwa, le e leng gore letsele leo la Lebele (Yoo wa ntlha wa Modimo go tswa mo baswing) o tshwanetswe a fokiswe mo godimo ga phuthego, gore rona re Peo ya Gagwe; mme eo ke ya ntlha ya Peo ya bao ba ba neng ba robetse, e fokiswa mo godimo ga letsatsi la ntlha la beke. Ka Sontaga, O ne a tsoga. A foka salang gentle, a bo a tlhatlogela kwa Godimodimo, mo bolengteng jwa batho.

⁸⁸ Lemogang, E ne e le letsele la ntlha la Mabele a Modimo le le neng le tsositswe mo baswing, letsele la ntlha la Mabele a Modimo. Ka Thata ya Modimo ya go rudisa, Modimo o ne a rudisitse botshelo jwa Gagwe, a Mo tsositse mo baswing, mme O ne a le Mabutswapele a bao ba ba neng ba robetse, Lebutswapele. O ne a le Ngata eo.

⁸⁹ Moo ke lebaka bone ba neng ba tshwanetse go fokisa ngata eo, gonne e ne e le ya ntlha e e neng ya tla mo boitekanelong. Mme e ne e fokiswa jaaka segopotso sa malebogo mo Modimong, ba dumela gore tse dingwe tsa tsone di tla tla. E ne e le tshupo.

⁹⁰ Mme, gompieno, ka gore O ne a le Morwa Modimo wa ntlha wa go tla kwa boitekanelong jo bo tletseng, go nna mo Modimong, O ne a fulwa mo lefatsheng mme o fokiswa mo godimo ga batho. Ao, a thuto e e galalelang! Ka Thata ya go rudisa, Ena wa ntlha! Le fa e le gore, O ne a—O ne a dirilwe setshwantsho; mme dinako di le dintsi, jaaka re tlaa bona morago, gore O ne a dirilwe setshwantsho. Fela mona e ne e le Lebutswapele ka mmannete la bao ba ba neng ba robetse. O ne a fokiswa mo godimo ga Peo e e neng e soloeditswe e e neng e na le tsholofetso ya Botshelo.

⁹¹ O ne a fokiswa kwa Letsatsing la Pentekoste, “motlheng go ne go tla modumo go tswa Legodimong jaaka go foka, phefo e e gwasang e e dithata dikgolo,” mme o ne a fokiswa mo godimo ga

batho, batho ba pentekoste ba ba neng ba le ko Pentekoste, ba letetse Tshegofatso go tla.

⁹² Mme go fokiswa gape, re a lemoga, mo motlheng wa bofelo, go ya ka Luka 17:30, mo letsatsing la Morwa gape, “mo motlheng o M-o-r-w-a motho a tlaa senolwang,” kgotsa a tlaa fokiswang gape mo godimo ga batho.

⁹³ Jaanong, ke Mang Morwa motho? “Ko tshimologong ne e le Lefoko, mme Lefoko le ne le na le Modimo, mme Lefoko e ne le le Modimo. Mme Lefoko le ne la dirwa nama, la bo le aga mo gare ga rona.” Mme fa dithuto tsotlhe tse re nang natso, le tlhomamiso ya Lefoko la Modimo; ka Lefoko la Modimo, ka ditshupo, ka dikgakgamatso, re a bona gompieno, gore mo Bukeng ya ga—ya ga Luka fano, gore jaaka re fetsa go inola go tswa mo go yone, kgotsa kgao—Luka kgaolo ya bo 17 le temana ya bo 30; le Malaki 4, le Dikwalo tse di farologaneng tse re di tlwaetseng, gore Lefoko leo gape le fokiswa mo godimo ga batho, gore dingwao tse di suleng tsa motho di sule, mme Morwa Modimo o tshedile gape ka kolobetso ya Mowa o o Boitshepo gone mo gare ga rona, mme o re neela Botshelo.

⁹⁴ Jaaka Keresete a ne a le Ena wa ntlha go tsosiwa, go tswa mo baporofeting bothe, le jalo jalo; le fa a ne a dirilwe setshwantsho mo mafelong a le mantsi, O ne a le Mabutswapele a bao ba ba neng ba robetse. Mo Monyadwing, go tla ga Keresete, go tswela ntle ga kereke, go tlaa tshwanela go nne le Ngata e e tla fokiswang gape mo metlheng ya bofelo. Ijoo!

⁹⁵ Go fokiswa ga ngata! Ngata e ne e le eng? Wa ntlha yo neng a tla mo bogolong, wa ntlha yo neng a netefatsa gore e ne e le mabele, yo neng a netefatsa gore e ne e le ngata.

⁹⁶ Haleluya! Ke tlhomama gore lo bona se ke buwang ka ga sone. E ne e fokisitswe mo godimo ga batho. Mme lekgetlo la ntlha fa go tlaa tleng pontsheng, go tlela paka ya Monyadiwa, ka ntlha ya tsogo ya go tswa mo bolekokong jo bo lefifi, go tlaa nna Molaetsa, gore bogolo jo bo feletseng jwa Lefoko bo boetse morago gape mo Thateng ya Lone e e feletseng, mme le fokiswa mo godimo ga batho, ka ditshupo le dikgakgamatso tse di tshwanang tse A di dirileng kwa morago koo.

⁹⁷ “Ka gore Ke a tshela, lo a tshela le lone,” a bua le Mosadi wa Gagwe. “Ka gore Ke a tshela, lo a tshela le lone.” A tsogo e eo e neng e le yone! Mme a tsogo e ena e leng yone, go rudisiwa go tswa mo baswing, “go dirwa gore re tshele mo go Keresete Jesu,” a Thatha ya Modimo e e rudisang.

⁹⁸ O ne a fokisiwa ko go bone. Lefoko, le A neng a le lone, ne la fokisetwsa morago kwa go bona mo Letsatsing la Pentekoste, Lefoko le bonaditswe. Jaanong, mme nna ka re, Lone le tshwanetswe le fokisiwe gape mo motlheng wa bofelo. Jaanong, sekai...

⁹⁹ Wa re, “Sentle, jaanong, leta motsotsotso, Mokaulengwe Branham. Ke itse kereke e e . . .” Sentle, ke a dira, le nna. O a bona?

¹⁰⁰ Fela jaanong, sekai, go ka tweng fa—fa re ne re ile go boela morago kwa Tucson motshegareng ono wa maitseboa, jaanong, mme mongwe le mongwe wa rona a na le khadi . . . a ne a ile go tsamaya ka khadi—Khadilake e tona, e ntšhwā ntšhwā? Mme ditilo tsotlhe di ne di dirilwe ka—ka letlalo la kwalata e e namagadi, letlalo le le boleta go feta thata, le le boleta ebile le le motlhofo go nna mo go lone; mme diboroto tsa bodilo di ne di le botobetobe; lefetlho le ne le khurumeditswē ka nikelē mme le ne le na le mekgabisa ya taemane gotlhe mo godimo ga lone; mme kgaraga e ne e tlhotlhomiſitswē e le didirisiwa gore e ne e le totatota kgaraga e e nepagetseng; mme makotwana a ne a le . . . a ne a na le dibering ebile di logetswe ka kirisi; mme dithaere di ne di nonotshitshwe kgathlanong le go phunyega ebile di ka se angwe ke go tshologa mowa; mme tsotlhe di ne di tlhatlhobilwe ka maranyane.

¹⁰¹ Tsone di ne di tlositswe mo moleng wa go paka didirisiwa, bobedi jwa tsone, mme tsoopedi di ne di tladitswe ka peterolo. Eo ke thata ya go tsamaisa, peterolo, ka gore ka mo go yone go na le gase. Fela jaanong fa o ile go di dumisa, le fa tsoopedi di lebega di tshwana fela, fela go na le nngwe ya tsone e e senang tlhase epe, thata epe ya go tshuba.

¹⁰² “Sentle,” wa re, “thata e ka mo peteroleng, Mokaulengwe Branham.” Fela ga ke kgathale ke thata e ntsi jang e e leng ka mo peteroleng; ntleng le ga go na le tlhase foo go bonatsa thata eo, ntleng le ga go na le thata foo go tlhomamisa gore eo ke peterole, yone e ka nna ya bo e le fela jaaka metsi. Go tsamaya . . .

¹⁰³ Go sa kgathalesege thata ka foo baithuti ba bodumedi le ditumelo ba ithayang ka teng, sentle ka foo o dirileng gore kereke ya gago e thaegē, bontsi jwa thuto e o nang le yone, ka foo go tshwanang thata le Baebele ka teng; go tsamaya Ngata eo ya go fokisiwa, go tsamaya Mowa o o Boitshepo o tla mo godimo ga motho yoo go rudisa Lefoko leo! Peterolo e emetse Lefoko. Ke Nnete; fela, ntleng ga Mowa, E ka se ka ya tsamaya.

¹⁰⁴ Re beile kgatelelo e ntsi mo Dikarolong tsa didirisiwa mme sepe mo Thateng ya go dira ya didirisiwa. Yone e tlhoka Thata ya Modimo ya gore di dirisiwa di dire, Thata ya tsogo ya ga Jesu Keresete mo Kerekeng, go bonatsa le go dira go diragale gore Mona ke peterolo. E ka nna ya bo e le ka mo mmolopiteng wa peterolo; e ka nna ya bo go e ntse e le metsi, lo a bona. Fela bosupi bo le bongwe jwa gone, ke gore, tsenya Botshelo jona ka mo go yone, mme Go tlaa netefatsa a kana ke peterolo kgotsa nnyaya.

¹⁰⁵ Mme fa o leka go tsenya Mowa o o Boitshepo mo lekokong, wena fela go jaaka o leka thata . . . O ka nna wa bona go

pumpunyega; o tlaa senya kgaraga ya gago, ka go dira gore e tlale ka khabone.

¹⁰⁶ Fela, ao, nna ke itumetse thata gore go na le dikete di le lesome tsa Thata ya oktheine, Lefoko la Modimo le Mowa o o Boitshepo go E tshuba, le go tsosa Thata ya Modimo ka mo botshelong jwa monna, kgotsa botshelong jwa mosadi, kgotsa ka mo kerekeng. E e neng ya kgoromeletsa ka maatla Khadilake eo go fologela ka kwa mo tseleng, fa tlase ga Thata ya go dirisa didiriswiya ya Mowa o o Boitshepo o o boileng mme wa fokisiwa mo godimo ga batho kwa Letsatsing la Pentekoste, go Mo dira yo o tshwanang maabane, gompieno, le ka bosaeng kae.

¹⁰⁷ Foo e ne e le Ngata ya nttha e e neng ya tswa kwa baporofeting bottlhe, e e neng e le Morwa Modimo, Kgosi ya baporofeti bottlhe.

¹⁰⁸ Go nnile go na le dikereke, dikereke, banyadiwa, banyadiwa, dikereke, banyadiwa, banyadiwa.

¹⁰⁹ Fela go tshwanetse go tle Mongwe! Haleluya! Go tshwanetse go tle Monyadiwa wa mmannete! Go tshwanetse go tle Mongwe yo a senang fela Didiriswiya, fela Thata ya Yone e e dirang gore didiriswiya di dire, e dira gore Kereke eo e tshele, e tsamaye mo Thateng ya tsogo ya Gagwe. Go tsamaya re tla mo lefelong leo, go tsamaya re bona lefelo leo, ke molemo ofeng o go o solegelang fa re phatsimisa magare a maotwana? Ke molemo ofeng o go o mo solegelang fa re šafatsa kgotsa re dira gore tiro e diragale nako e le nngwe, fa go sena Thata e e dirang gore didiriswiya di dire? Go sa kgathalesege thata ka fa Didiriswiya di netefatsang go bo go negapetse ka teng, go tshwanetse go nne le Thata e e dirisang Didiriswiya go E dira e dire.

¹¹⁰ Seo ke se A se netefaditseng! Haleluya! Seo ke se Paseka e se netefaditseng. O ne a se Lefoko fela, fela O ne a le Modimo ka Sebele, Thata e e dirang didiriswiya di dire, mo Lefokong. Eo e ne ya dira mmele wa ga Jesu Keresete (o tsidifetse, o umeletse, ebole o sulie, mo lebitleng) o tshikinyegele ka mo Botshelong mme o tsoge gape, mme ya fidikolola lentswê. “Ke nna Ena yo neng a sulie,” a sulie thata gore letsatsi le ne la re O ne a sulie, ngwedi e ne ya re O ne a sulie, dinaledi di ne tsia re O ne a sulie. Tlholego yotlhe ne ya re O ne a sulie. Mme jaanong lefatshe lotlhe le tshwanetse le lemoge gore O tshedile gape. O ne a se Sediriswiya fela, Lefoko la Modimo, O ne a le Thata ya go dirisa didiriswiya go Go netefatsa.

¹¹¹ Mme jaaka Ena, a neng a le Monyadi, Monyadiwa o tshwanetse a tswele pontsheng, ka Ena e le bontlhabongwe jwa Gagwe. Mme Gone go ka nna fela ponatsho ya tiragatso ya ditshenolo tsotlhe tse bape ba bangwe ba neng ba di bua ka ga Monyadiwa; Gone go kgona fela go bonagatsa. Fa go bonatsa sengwe se se farologaneng le Monyadi, ga se Monyadiwa. Ka gore, Ena ke nama ya nama ya Gagwe, lerapo la lerapo la Gagwe; Botshelo jwa Botshelo jwa Gagwe, Thata ya Gagwe!

Mosadi ke Monna! Jaaka monna le mosadi ba le bangwefela, mme mosadi a ntshitswe mo letlhakoreng la gagwe; Mosadi o tsere Mowa, Mowa wa sesadi, go tswa mo Monneng. Nama go tswa mo letlhakoreng la Gagwe, ne ga dira tsoopedi Didirisiwa le Thata ya Didirisiwa, Mogatse. Mowa wa Gagwe le nama ya Gagwe, di kopantswe ga mmogo, mme di dirilwe Didirisiwa le Thata ya Didirisiwa. Go tsamaya kereke kgotsa batho . . .

¹¹² Mebutla yotlhe ena ya Paseka, le meletlo, le dikereke tse ditona, le mekgabiso, di tlaa palelwa di bo di feta.

¹¹³ Go tsamaya Kereke eo e fetoga go nna tsoopedi Thata ya didirisiwa le Didirisiwa; le Mowa wa Modimo, o o neng o Mo tlhotlhetsa, go dira dilo tse A di dirileng! Fa A ne a dira ka maatla a disilindara di le lesome le borataro, le Monyadiwa o tlaa dira jalo. Amen! Gonane O ne a re, mo go Johane 14:12, “Ena yo o dumelang mo go Nna, ditiro tse Ke di dirang o tlaa di dira le ena. Ke tlaa mo naya motlakase wa Thata ya Me ya Didirisiwa, mo Didirisiweng tsa gagwe, e lefatshe le ka se kgoneng go e kganelia; mme Ke tlaa mo tsosa gape kwa motlheng wa bofelo.” Moo ke Molaetsa wa Paseka, Thata ya Didirisiwa le Didirisiwa, ga mmogo! Didirisiwa ntleng ga Thata ya Didirisiwa, ga di solegele molemo ope; le e leng Thata ya Didirisiwa, ntleng ga Didirisiwa go jalo.

¹¹⁴ O ka bokolela mme wa thela loshalaba, wa ba wa tlolela godimo le tlase, mo gotlhe o batlang go go dira, mme wa ganetsa Lefoko lena, go ka se go solegele molemo ope. Wena o teraisa dipi—dipistone gore di dikologe . . . Go na le tlhase foo go tshuba, fela ga go peterole epe go go tshuba ka yone.

¹¹⁵ Go tlaa dira fela fa tsona di kopana ga mmogo. Amen! Jalo he, nngwe e tlaa dula e tuuletse, mme e Nngwe e tlaa tlhatloga. Moo ke selo se le sengwe se se leng mo go gone. Le fa go le jalo, tsone tsoopedi di ka nna tsa lebega di tshwana, di le pedi di ithaya gore ke dikereke, di le pedi di ithaya gore ke Monyadiwa. Fela e le Nngwe e na le Didirisiwa *le* Thata ya didirisiwa, E a go diragatsa, se A buileng gore ke Boammaaruri.

¹¹⁶ Yone fela e ka se ka ya tsamaya, go sa kgathalesege ka fa Didirisiwa di kgonang ka teng, go tsamaya Thata ya didirisiwa e tla. Fa Thata ya didirisiwa e tla, Molelo oo o dirwa gore o golagane le oktheine mo peteroleng. Mme nako e Eo e thunyang, e dira go ša ga dikhemikhale, mme go ša moo ga dikhemikhale go tsamaisa motsamao mongwe le mongwe, le tsamaiso nngwe le nngwe, gonane Ena o tshwana maabane, gompieno, le ka bonaeng kae. Eo ke tsogo. Eo ke Thata ya Modimo ya mmatota, Didirisiwa le Thata ya didirisiwa. Lemogang, “Ke Mowa o o rudisang.” Ke tlha—ke Tlhase e e tshubang. Ga se gase e e tshubang; ke Tlhase e e tshubang gase. Lo a bona?

¹¹⁷ “O ka se kgone go dira sepe ntleng ga Me; fela le Nna o ka kgona go dira dilo tsotlhe.” Jaaka A le Lefoko, Ke

Rara yo o tshelang. "Rara o Nthometse, le Nna ke lo romela jalo. Jaaka Rara a Ntshubile eble a Nkgoromeletsa ka mo sengweng le sengweng, Nna ke dira fela seo se se itumedisang Modimo. Jaanong, jaaka A Nthometse, Nna ke lo romela jalo ka Didirisiwa tse ditshwanang, mme go tsaya Thata ya didirisiwa e e tshwanang go E tsamaisa. Mme ditshupo tsena di tlaa ba lateba ba ba bolelang gore ba na le Didirisiwa. Thata ya didirisiwa e tlaa tsaya lefelo la Yone."

¹¹⁸ Paulo ne a re, "Efangedi e tlie ko go rona eseng ka Lefoko fela," ka peterole fela, "fa e se ka Tlhase gape," go E dira e tsamaye. Lona lo bao. E tlie ko go rona ka mokgwa oo.

¹¹⁹ Ke Mowa o o tshwanang, o o Mo tsositseng, o o tsoseditseng modumedi wa nnete ko Botshelong jo Bosakhutleng. Jaanong gakologelwa, go na le kgonagalo... Jaanong elang tlhoko, ka re felelwa ke nako ya rona. Lemogang, "Mowa o o tshwanang," jaanong, Baroma 8:1. Jaanong a fela re baleng moo gape, mo go Baroma 8:1, mme re tlaa bona se leo le se buang. Go siame. Mme eseng Baroma... Ke raya, 8:11, ke maswabi.

¹²⁰ Mo go Baroma 8:11, "Fela fa..." Bothata ke joo. Sekgoetsi sa Gagwe ke seo.

Fela fa Mowa wa gagwe (Modimo, Mowa o o Boitshepo) *yo o tsositseng Jesu mo baswing o nna mo go lona,...*

¹²¹ Jaanong, lona lo bao, "Fa Mowa wa Monyadi o nna ka mo Monyadiweng!"

¹²² Fa Modimo a ne a dira monyadi wa Gagwe wa ntlha, O ne a dira monyadi pele, mme o ne a le boobabedi monna le mosadi, mo moweng; a mmopile mo loroleng lwa lefatshe, go mo dira sedirisiwa. Mme lemogang fa A ne a dira Efa, go tswa mo go Atamo, O tsere eseng karolo e nngwe ya letsopa, O tsere go tswa mo karolong e e tshwanang ya letsopa; Lefoko le le tshwanang, gonne Atamo ne e le Lefoko le le builweng. Lo a bona? O tsere mo go ene, mme foo ne a tsaya mo... Ena ne a na le mowa wa senna le wa sesadi. Mme O ne a tlosa mowa wa sesadi mo go Atamo, a bo a o bayo mo go Efa; jalo he one o santse e le karolo ya mowa wa ga Atamo, ke nama ya ga Atamo. Ka ntlha eo, e ne e le mowa wa ga Atamo, thata ya didirisiwa, e e neng ya tshedisa didirisiwa tsa mmele wa gagwe.

¹²³ Jalo he Monyadiwa o tshwanetse le ene a nne nama ya nama ya Gagwe, le lerapo la lerapo la Gagwe. Foo nama ena e e swang e ile go fetoga jang go nna nama ya Gagwe? Re tlaa fitlha kwa go gone mo motsotsong, lo a bona. Go dirwa jang? Jang? Phetogo e kgolo ena ke eng? Lemoga?

Jaanong fa Mowa wa gagwe (Modimo) *yo o tsositseng Jesu mo baswing o nna mo go lona, ena yo o tsositseng Keresete mo baswing o tlaa rudisa gape le mebele ya lone e e swang ka Mowa wa gagwe o o nnang mo go lona.*

¹²⁴ Ijoo! Mongwe yo o tlhomamiseditsweng pele, jaaka go sololetswe, jaaka Peo e e jwetsweng mo lefatsheng, Dingwe tse di neng di na le Botshelo mo go tsone. Ba le bantsi ba bone ba ne ba sule; ba ne fela e le dipeo tse di bodileng; metsi le dilo di ne di ba fisitse. Fela, lo a itse, go ne go na le Peo e letse foo e ipaakanyeditse Botshelo. Modimo ne a itse gore e ne e dutse foo.

¹²⁵ Jaanong, Bone ba ba tlhomamiseditsweng pele ke ba ntla go tshedisiwa ke Mowa o o Boitshepo, gonne Mowa o o Boitshepo o tla go tsaya ba e Leng ba Gagwe. Jaanong, mona go boteng jaanong, mme lo tlhomamiseng gore le go tlhaloganye sentle.

¹²⁶ Jaanong, jaaka letsatsi le ne la romelwa go kgabaganya lefatshe, eseng go tlisa mafika, a e neng e le lorole le one, mo botshelong, e ne e se go tshedisa lorole lotlhe, fela e ne e le go tshedisa karolo ya lorole e e neng e khurumedswe e tswaleletswe mo tikologong ya botshelo.

¹²⁷ Ga se batho botlhe ba ba tlaa amogelang Keresete. Ao, nnyaya. Ke fela bao ba Modimo a ba laoletseng pele ko Botshelong, ba ba ageletsweng mo tikologong ya lengwe la lorole la lefatshe, bao ke Bone fela ba A tllang go ba tshedisa. Bao ke Bone.

¹²⁸ Leo, jaanong, lorole leo le ne le tlaa dula foo mo letsatsing, mme le re, "Ao, letsatsi lena la kgale le mogote thata!" Lefika leo, le re, "Letsatsi lena la kgale le mogote thata!" Fela peo eo e nnye, ne ya re, "Seo ke se ke se batlang," mme e simolole go tlhogela pontsheng mo botshelong. Le ne la rudisa karolo eo ya lorole. Ka gore, letsatsi le ne le rometswe e seng go rudisa lefika, eseng go rudisa lorole, fela go rudisa botshelo jwa peo.

¹²⁹ Jaanong, Mowa o o Boitshepo o a tla jaanong. Jaaka go sololetswe, O ne o sa romelwa... Gobaneng batho botlhe ba sa tle go O amogela? O ne o sa romelwa kwa go bona.

¹³⁰ Moeka ne a mpolelela, "Ga ke dumele. Ga ke kgathale se o se buang. Fa o ka kgonang go tsosa baswi, kgotsa sengwe le sengwe, mme wa fodisa ba ba lwalang; mme wa Go netefatsa, ka tsela epe; nna ke santse ke sa Go dumele."

¹³¹ Ke ne ka re, "Go tlhomame o ka sekä. Wena o modumologi. Ga go kaye sepe mo go wena. O ne o sa romelwa le e leng ko go wena. O ne o rometswe kwa go bao ba ba tlaa dumelang."

¹³² Molaetsa ke wa badumedi. Ko go bao ba ba nyelang, One ke boeleele; fela ko go bao ba ba leng mo go Keresete, ebile e le karolo ya Peo eo, One ke Botshelo.

¹³³ Polelo ya me e e tala ka ga molemi a neng a tsenya lee fa tlase, kgotsa lee la ntsu fa tlase ga koko. Lo a bona? Ntsu e nnye eo e ne le, go sena pelaelo, e ne e le setshe—e ne e le setshedi se se lebegang se sa tlwaelesega. Erile molemi yo a ne a dirile selo seo se a neng a se dirile, go tsenya lee lena la ntsu fa tlase ga koko ena ya kgale. Mme e ne ya thujwa e le kokwana e le lebegang

e sa tlwaelesega, mme yone e ne e le mogo—e ne e le mogoma, yo o sa tlwaelesegang. O ne a sa lebege jaaka bone. Diphofa tsa gagwe di ne di se jaaka tse dingwe tsa bone, mme ena—ena o ne fela . . . O ne a le mogoma yo o sa tlwaelesegang, yo monnye. Mme tsotlhe tsa tsone dikokwana di ne di mo lemoga e le mogoma yo o sa tlwaelesegang. Mme koko e ne e tsamaya tsamaya . . .

¹³⁴ E ne ebile e sa rate dijo tse e neng e di e jesa. E ne fela e sa rate go ngapa moo mo jarateng ya leobo. Yone, e ne e sena sepe se se amanang le sone. Jalo he yone e ne e ipotsa gore gobaneng e ne e tshwanetse e nne nngwe e e sa tlwaelesegang mo tikologong foo, le fa go le jalo. Lo a bona? Mme e ne e sa utlwé tatso ya sepe se se . . . E ne fela e ja mo go lekaneng go itschedisa e tshela, ka gore e ne e sa rate tatso ya gone, lo a bona. Ka gore, e ne e se kokwana, le go tloga kwa tshimologong. Lo a bona?

¹³⁵ Mme kok—koko e ne tle e kokoretse, le, lo a itse, “Metlha ya metlholo e fetile. Ga go na sengwe se se jaana. Ipataganye le kereke.” Go ne fela go sa tlhaloganyege sentle, mo go moeka yo monnye yo. Jalo he e ne fela e latela koko mo tikologong go tsamaya lengwe la malatsi mmaayone . . .

¹³⁶ Ntsu ya kgale e ne e itse gore e ne e beetse mae a le kana, mme go ne go na le le lengwe le le neng le seyo. E ne e itse gore ntsu eo e ne e le golo gongwe, jalo he yone ne ya simololela kwa ntle go e tsoma. Mme e ne ya dikologa mo godimo ga tlhora ya thaba, le kwa tlase kwa mekgatsheng, le golo gotlhe kwa gongwe le gongwe kwa e ka nnang ya bo e le gone. Ka nako eo, yone, e ne e le nako ya yone ya gore e tsalwe. E ne e le nako ya gore e thujwe. Ne ya re, “Gongwe legakabe le ne la tsena la bo le tsaya lee la me; gongwe lenong. Ga ke itse. Sengwe se tsere lee la me. Fela ke a itse . . . Lee leo le mo monaganong wa me. Ke na le morwa golo gongwe. Ke tshwanetse ke mo tsome.”

¹³⁷ Modimo le ene o dira jalo. Ke Ena Ntsu e Tona eo. Mo dikakanyong tsa Gagwe O ne a itse gore O ne a tlaa nna le Kereke. O ne a itse gore O tlaa nna le batho. Go sa kgathalesege se se neng se ba tlamparetse ka lorato, go sa kgathalesege se ba neng ba thubilwe go tswa mo tlase ga sone, Ena o ne a tsoma. O tsoma se e Leng sa Gagwe.

¹³⁸ Mme letsatsi lengwe, polelo e a tswelela, ntsu ena ya kgale e ne ya fofa mo godimo ga jarata nngwe ya leobo. E ne e batla gongwe le gongwe, mme e ne ya e fitlhela. Ao, ka ntlha ya tsogo eo, go lemoga gore ka mmannete e ne e se kokwana, morago ga tsotlhe. E ne e le ntsu! Mme yone e ne e tlola e rutiwa gore e lebelele faatshe, go lebelela podile kgotsa sengwe mo jarateng ya leobo. Fela e ne ya utlwa kgwetlo, e e neng ya re, “Lelalela tseleng *eno!*” Mme e ne ya lebelela kwa godimo ga yone, mme foo go ne go na le setshedi se na le diphuka tsa difutu di le lesome le bonê, se e thata go gaisa go na le dikokwana tsotlhe foo tse di

neng di le mo jarateng ya leobo, mme e ne e ipolela go bo ene a ne a le morwaayone.

O ne a re, “Mma, nka kgona jang go fitlha kwa go wena?”

¹³⁹ Ne a re, “Tlola fela, simolola go phepheula diphuka tsa gago, donne wena o ntsu.”

¹⁴⁰ Lo a bona, e ne e itse gore e ne e na le morwa golo gongwe. Go sa kgathalesege se a neng a godiseditswe mo go sone, yone e na le morwa golo gongwe.

¹⁴¹ Mme Modimo o a itse! Haleluya! O na le Kereke e e tlhomamiseditsweng pele, e e laoletsweng pele! O ne a itse gore O na le barwa le barwadi, le Monyadiwa, a letile golo gongwe; fa Mowa o o Boitshepo o simolola go fofa mo godimo ga yone, go fokisa moo ga Ngata. Ijoo! Ena o tshwana maabane, gompieno, le ka bosaeng kae. Eseng polelo nngwe ya masaitseweng, fela bonnate.

¹⁴² Go sa kgathalesege gore ke ba le bantsi thata jang ba ba lekileng go mmolelela, “ntsu,” o ne a sa itse se ntsu e neng e le sone. Le fa go le jalo, o ne a le ntsu. O ne a sa tle go tlhaloganya go tsamaya a ne a bone sengwe se se neng se mmonagatsa, se ena a neng a se bonagatsa, ke raya moo.

¹⁴³ Mme nako e re bonang, eseng lekoko, eseng Ph.D., eseng LL.D., eseng moagisanyi yo o molemo; fela morwa Modimo a bopilwe ka setshwano sa Modimo, ka Thata ya Modimo e e matlhagatlhaga go araba topo ya motlha ona, gore Ena o tshwana maabane, gompieno, le ka bosaeng kae, mme ga go na koko epe namagadi e e ileng go o tshwara. O tsoma Mmaagwe. Yone ke ntsu, le kwa tshimologong. Yone e a lemoga. Ntsu ena ya nnete e lemoga pitso ya Lefoko la Modimo. Goreng? Yone ke ntsu. Ntsu ko ntsung! Lefoko pele ga motheo, Lefoko ko Lefokong! Lefoko, le le tlhomamiseditsweng pele, Lefoko le le kwaletsweng oura. A o lemoga bonno jwa gago. O a E tsoma.

¹⁴⁴ Mona ka ntlha eo, mmele ona wa selefatshe, o a tshedisiwa o bo o tlisiwa ke Mowa wa Modimo o o tshedisang kwa kobamelong ya Lefoko la Modimo.

¹⁴⁵ Ka bonako. Fa a ne a batla go itse ka fa a ka kgonang ka teng go fitlha koo le ene, o ne a rutilwe gore o ne a ka se kgone go dira seo. “O ka se kgone go fitlha kwa godimo go feta go na le ka fa o ka kgonang go tlola ka gone.” E ne e le kokwana. Lo a bona?

Fela ntsu ena ne ya re, “Moo ga go jalo.”

“Sentle, leba kwa dikokwaneng!”

¹⁴⁶ “Go sa kgathalesege se dikokwana di leng sone, wena o ntsu. Simolola fela o otlolole diphuka tseo, mme o nne le boikatiso jo bonnye mo go tsone. Simolola go tsamaela godimo!”

¹⁴⁷ Lefoko ko Lefokong! “Ditiro tse Ke di dirang lo tla di dira le lona. Ena yo o dumelang mo go Nna, ditiro tse Ke di dirang o

tlá di dira le ena." Lo a bona? "Ka gore Ke a tshela, o a tshela le ena." "Mme fa Mowa o o Mo tsotsitseng mo baswing o nna mo go wena, O tshedisa mmele wa gago o o swang." Lo a bona?

¹⁴⁸ E dira eng? Jaanong reetsang, gore lo tle lo itse. Mme Paseka ena, ke batla e kaye mo go fetang mo go lone go na le Paseka nngwe e kileng ya ba ya dira. Lo a bona? Ke batla le go bone. Re a itse se E se Mo diretseng; fela ke batla lone lo se bone, eseng lo tláa, E lo diretseng mo go tshwanang. Lo a bona? E dira eng? E tshedisa mmele o o swang. Mmele ona o o swang o re tshelang mo go one, E a o tshedisa, ka mafoko a mangwe, e o tlisa kwa Botshelong.

¹⁴⁹ Jaanong, wena yo ka nako nngwe o kileng wa tsamaya ka sikara se segolo mo molomong wa gago, le sengwe le sengwe, kgotsa segopa sa disekarete; le lone basadi ba nako nngwe le neng le na le moriri o mokhutshwane, le pentilwe, mme le tswelela, ebole le apara bomankopa, le dilo tse di jaaka tseo; gotlhelele ka tshoganetso, Sengwe se ne sa gotla, mme lo ne lwa lebelela fatshe fano mme E ne e le Lefoko. Lo a bona, Le tshedisitse wa gago... O ne wa re, "Ga go sa tlhole go na le bomankopa ka ntlha ya me, le nnotagi ya me, ga go sa tlhola go na le go aka, ga go sa tlhola go na le go utswa, ga go sa tlhola go na le *sena, sele*." Lo a bona? Mowa o o neng wa Mo tsosa mo baswing, o nna mo go wena, gape o tláa ntsha mebele ya lone e e swang, mo loroleng lwa lefatshe, go tla ka mo taolong. Lo a a bona? Ke eng? Tlase ga taolo ya eng? Keresete. Keresete ke Mang? Lefoko. Eseng thuto ya bodumedi le ditumelo, fela Lefoko!

¹⁵⁰ Wena o tloge o re, gore, "Dilo tsena, ao, ke akanya gore go siame gore basadi ba apare marokgwe."

¹⁵¹ Fa, Lefoko le rile, "Nnyaya." Lo a bona, O go tshedisetsa mo go Seo. Lo a bona? Wena o gogelwa kwa go One. Lo a bona, ke wena, ka nako eo. Go fetoga go nna... O fetoga go nna karolo ya Lefoko. O tsisitse mmele wa gago, eseng...

¹⁵² Sentle, wa re, "Sentle, jaanong, nte ke go bolelele sengwe. Modisa phuthego wa me..." Ga ke kgathale se modisa phuthego wa gago a se buileng; ke se Lefoko le se bolelang! Fa o batla go nna kokwana, tswelela le ena. Fela fa modisa phuthego a bua se se farologaneng le Lefoko lena, ka ntlha eo ena ga se mofepi wa dintsu; uh-huh, ena ke mofepi wa dikoko, lo a bona, eseng dintsu. Lo a bona? Ntsu e ja mo Dijong tsa ntsu. Lo a bona? E a tshedisa!

¹⁵³ Baebele ne ya re go phoso go dira seo, mme motho le jalo jalo le selo sotlhe se lo se dirang, se phoso. Wa re, "Metlha ya metlholo e fetile." Baebele ena ya re Ena o tshwana maabane, gompieno, le ka bosaeng kae. Fa ba re, "Moo ke go bala monagano. Mme mohuta mongwe wa go bala tlhaloganyo, temogo ena. Mme diponatshegelo tsotlhe tsena le dilo, ke diphirimisi," lo a bona, bone ke dikokwana. Ga ba itse se Dijo tsa ntsu di leng sone.

¹⁵⁴ Fela, mokaulengwe, fa wena o utlwa go gotla moo, go na le Sengwe mo go wena! Wena o ntsu, go tloga tshimologong. Goreng? Wena o Peo eo, e tsogo ya M-o-r-w-a-e mo tlhabetseng, le Ngata ya go fokisiwa mo godimo ga lefatshes, go go dira gore o lemoge gore wena o ntsu mme eseng kokwana ya selekoko. Lo a go bona? Hah!

¹⁵⁵ “Fa Mowa o o Mo tsositseng mo baswing,” Lefoko, Thata didirisiwa ya Lefoko, “o nna mo go wena, gape O tshedisa mmele wa gago o o swang.” Jaanong rona re nama ya nama ya Gagwe jang le lerapo la lerapo la Gagwe? Ka gore, ka bonako, fa re santse re le baleofi ba ba swang ka nako ena, ba ba swang, re ipaakanyeditse go swa, mebele ena, O tshedisa mmele oo. Go *tshedisa* ke eng? “Go tlisa fa Botshelong.” Mowa o nako nngwe o neng o rata go nwa nnotagi, o siana siana o dira boaka, le dilo tsotlhe tsena, one o tshedisitswe; goreng, selo se se sule, mme wena o tsositswe. O tshedisa mmele wa gago o o swang.

¹⁵⁶ Ka moo, mebele ya lone ke tempele ya Thata ya didirisiwa, ka gore (goreng?) go tswa tshimologong lone lo bontlhabongwe jwa Didirisiwa. Ao! Tsogo ya lone ke eo. Kereke ke eo mo tsogong, le Ena. Mebele ena gone jaanong e tshedisitswe. Lo a bona, lo utlwile; lo a dumela. Go lo fetotse go tloga fa lekokong go ya Lefokong. Lo a bona?

¹⁵⁷ Thata ya didirisiwa, fa E tla mo metsing, e tla pumpunyega fela, “Metlha ya metlholo e fetile.” Pomp-pomp-pomp, “Ao, ke dumela Baebele,” pomp-pomp-pomp, “fela ga—ga go na . . .” Pomp-pomp-pomp! Lo a bona?

¹⁵⁸ Fela fa E fitlha kwa go seketeng seo sa oktheine, “Whrrrrr,” e a tloga, lo a bona. Ka fa, ijaa, Thata ya didirisiwa e tlhotlheletsang Seo! Fela e tlhotlheletse kokwana, ga e tle go solegela molemo ope. Fela fa E tlhotlheletsa ntsu, yone e tsamaela kong. Amen! Thata ya didirisiwa ena le Didirisiwa! Lo bona se ke se rayang? Moo ke, fa yone e le ntsu ya nnete jaanong, e tlaa “tlhalogany.”

¹⁵⁹ Nteng ke le lolamisetseng Lekwalo le le nnye fano. Ke akanya gore re tlogile mo mogaleng, fela re santse re le fano. Moitshepi Johane 5:24, Jesu ne a re, “Ena yo o utlwang Lefoko la Me, mme a dumela mo go Ena yo o Nthometseng, o na le Botshelo jwa bosafeleng.” Jaanong lebang, nna ke fologa ka mmila ke bo fela ke tsaya seo jaaka go builwe ka ditlhaka, se E leng sone, ntleng le tlhaloganyo ya semowa . . . Ke sa Go dire go bue sepe se sengwe, fela ke bua fela se Go se buang, lo a bona, lefoko le le nepagetsetseng foo, ka Segerika, kwa tshimologong, la re, “Ena yo o tlhaloganyang Lefoko la Me.”

¹⁶⁰ Jaanong, go netefatsa gore moo go nepagetse. Ke fologela fano, mme fano go tla letagwa le tsamaya ka mmila, mme a na le mosadi wa monna mongwe a le mo mabogong a gagwe, mme a hutsa, ebile a dirisa Leina la Modimo botlhaswa, le sengwe le

sengwe se sele jaaka seo. “E re, a o ne wa utlwa se moreri yole a neng a se bua? A o ne wa dira?” “Eya, ke Go utlwile!” Moo ga go kae gore o na le Botshelo jwa Bosakhutleng. Lo a bona? Lo a bona?

“Ena yo o tlhaloganyang Lefoko la Me,” ena yo e leng ntsu!

¹⁶¹ Jaanong, Mokaulengwe Branham, ke batla Lekwalo le lengwe go feta moo.”

¹⁶² Go siame, “Dinku tsa Me di utlwa Lentswe la Me. Moeti ga di tle go mo latela.”

¹⁶³ Jaaka mo tiragalong ya *Nyalo Le Tlhalo*, maloba. Motlhlang Mowa o o Boitshepo o ne o mpoleletse seo, ke ne ka tla ka go bua fela ka tsela e A mpoleletseng ka yone.

¹⁶⁴ Modiredi mongwe wa mohumagadi ne a nnaya kgwetlo e e bojetla tota, e nnye. O ne a re, “Ke a fopholotsa wena o tsaya lefelo la Modimo?”

Ke ne ka re, “Nnyaya, mma.”

¹⁶⁵ Ne a re, “Sentle, o ba boleletse wa re boleo jwa bone bo itshwaretswe.” Ne a re, “Kae?” Ne a re, “Ke Modimo fela yo nang le thata.” Lo a bona, Mofarasai yo mongwe. Lo a bona? . . . ? . . .

¹⁶⁶ Ke ne ka re, “O a bona, gore o tle o itse, gore, Jesu ne a bolelela Petoro le baapostolo, morago a sena go nna le tshenolo ya Yo A neng a le ene.”

O ne a Mo raya a re, “Wena o Keresete, Morwa Modimo.”

¹⁶⁷ O ne a re, “Go sego wena,” lo a bona, “morwa Jonase; nama le madi ga di ise di go senolele Sena, fela Rara wa Me yo o kwa Legodimong o Le senotse. Mo godimo ga lefika lena Ke tlaa aga Kereke ya Me; dikgoro tsa bobipo di ka se kgone go fenya kgatlanong le Lone. Mme Ke go naya dilotlele; le fa e le eng se o se bofang mo lefatsheng, Ke tlaa se bofa ko Legodimong; se o se bofololang mo lefatsheng . . .”

¹⁶⁸ Eo ke tshenolo ele ya Selegodimo ya Lefoko e dirilwe nama. Fa E ne e le nama mo motlheng ole ka Morwa, Monyadi, Ke nama e e tshwanang gompieno ka Monyadiwa. Lo a bona? “Le fa e le mang yo maleo a gagwe lo a itshwarelang, ko go bone a itshwaretswe; le fa e le mang yo maleo a gagwe lo a sadisang, ko go bone a setse.”

¹⁶⁹ Jaanong, kereke ya Khatholike e tsere seo e bo e se isa kwa baperesiting ba bone, fela moo ke ga senama.

¹⁷⁰ Elang tlhoko, e ne e le Lefoko la semowa, le le senotsweng le le go dirileng!

¹⁷¹ Moo ke lebaka le A ba boleletseng ba ye ba kolobetse ka “Leina” la Rara, Morwa, Mowa o o Boitshepo. O ne a itse gore ba ne ba itse Yo A neng a le ene.

¹⁷² Ke neng ke bua le moreri yo monnye maloba, o ne a nthaya a re, o ne a re, “Jaanong, Mokaulengwe Branham, nna ke tswile

ka bo ke ipataganya, ka ya ka kwa ko kerekeng ya *sebane-bane*, kereke ya Pentekoste.”

¹⁷³ Mo e leng gore, ya Pentekoste jaanong e simolotse go tsaya borotho jo bo kgolokwe jwa papetlana, lo a itse. Lo utwile ka ga seo, ke a fopholetsa; kosha, modimo-ngwedi, lo a itse. Mme bone botlhe ba go amogetse ebile ba a go ja. Monna yona ne a re... Phu—phuthego ya gagwe e ne ya tsamaya le ena; o ne a re, “Se ke se segofatsang se segofetse.” Jaanong, a seo ga se moperesiti a se buileng, ena “o na le thata ya go se fetolela morago kwa mmeleng wa ga Keresete”? Lo a bona, di le thataro tsa e nngwe le halofo ya di le lesome le bobedi tsa e nngwe, fela mo go tshwanang.

¹⁷⁴ Mme o ne a re, “Ke batla go go botsa sengwe.” O ne a leka go tila kgang ele ya kolobetswa ka Leina la Jesu, ka gore yona ne e le monna yo neng a re e ne le—e ne e le moganetsa-Keresete yo neng a dira seo. O ne a re, “A o akanya gore gotlhlele go botlhokwa gore motho a kolobetswe ka Leina la Jesu Keresete?”

Ke ne ka re, “Ee, rra.”

¹⁷⁵ O ne a re, “Morago ga a sena go kolobetswa ka leina la ‘Rara, Morwa, le Mowa o o Boitshepo’?”

¹⁷⁶ Ke ne ka re, “Ee, rra. Ena ga a ise a kolobetswe, gotlhlele. Lo a bona? Ena ga a ise a kolobetswe, gotlhlele; ga go Leina. Moo ke setlhogo.” Ke ne ka re, “Moo ga go lemogiwe.” Ke ne ka re, “Goreng a ne a dira—goreng Petoro a ne a dira...”

¹⁷⁷ O ne a re, “Sentle, jaanong, nte ke go bolelele sengwe.” O ne a re, “Jaanong, mo go Ditiro 10:49, o ne a re, ‘Yare Petoro a santse a bua mafoko ano, Mowa o o Boitshepo o ne wa tla mo go bone.’”

¹⁷⁸ “Fela,” ke ne ka re, “o ne a retologa gone foo a bo a re, ‘A motho a ka kganelia metsi gore bano ba sekabakolobetswa?’”

¹⁷⁹ O ne a re, “Sentle, o ne o bua golo ka kwale, lobakanyana le le fetileng, ka ga Ditiro 19, kwa Paulo a neng a feta kwa matshitsing a a kwa godimo a Efeso, a fitlhela barutwa bao.” Mme ne a re, “Goreng,” ne a re, “ba ne ba sa kolobetswe ka leina la Rara, Morwa, le Mowa o o Boitshepo.”

¹⁸⁰ Ke ne ka re, “Nnyaya, ba ne ba kolobetswe ‘gore ba sokologe,’ eseng go itshwarelw maleo, ‘Go sokologa,’ ka gore Jesu o ne a ise a itsiwe ka nako eo. Setlhabelo se ne se ise se bolaiwe.”

O ne a re, “Sentle, goreng ba ne ba tshwanelwa gore ba kolobetswe gape?”

¹⁸¹ Ke ne ka re, “Monna yo neng a na le dilotlele, ne a bua sena, ‘Gonne go itsiwe ke lone gore ga go na Leina le lengwe fatlase ga Legodimo le le neilweng mo gare ga batho, le ka lone le tshwanetsweng le bolokwe.’”

¹⁸² Pholoso e le esi e direga ka Leina la Jesu Keresete. “Le fa e le eng se lo se dirang ka lefoko kgotsa ka tiro, dirang tsotlhe ka Leina la Jesu Keresete.” Ga go na leina le lengwe, kereke epe, tlhatlhamo epe, ditlhogo dipe, kgotsa sepe se sele! Le fa go le jalo, Ena ke Rosa ya Sharone, Leshoma la Mokgatša, Naledi ya Moso, Alefa, Omega, Tshimologo le Bokhutlo, Jehofamotlamedi, -mofodisi, -manase, le tsotlhe tsena. Ena ke dilo tsotlhe tsena, fela le fa go le jalo Ena . . . Ga go na pholoso epe mo go epe ya ditlhogo tseo; *Jehofa*, ga go pholoso; *Rosa ya Sharone*, le fa A le jalo, ga go pholoso; *Rara, Morwa*, kgotsa *Mowa o o Boitshepo*, ga go pholoso. Fela Leina la “Jesu Keresete!” Mme foo Baebele ne ya re, gore, “Boikwatlhao le boitshwarelo jwa maleo di tshwanetswe di rutiwe ka Leina la Gagwe, go simolola kwa Jerusalema, le go ya kwa dikarolong tse di kwa tennyanateng tsa lefatshe.”

O ne a re, “A o akanya gore go dira pharologanyo epe?”

¹⁸³ Ke ne ka re, “Rra, ke batla go go botsa sengwe.” Ene le nna, le mosadi wa me, re ne re dutse fa tafoleng. O ne fela a sutela kong. A mpone, ne a tswelela . . . Ke ne ka re, “Rona rotlhe re Maarizona; re nna fano. Mme nna, mme re itse lekgotla la rona, le kgaolo ya rona, le gotlhe, le ramotse wa rona, le mmusi, le sengwe le sengwe.”

O ne a re, “Ee.”

¹⁸⁴ Ke ne ka re, “Jaanong, fa ke go boleletse, mokaulengwe, go, ‘Yaa ka fa o saenele dijo tsa rona tsa maitseboa, ka leina la Mmusi wa Lefatshe la Arizona,’ a o ne o tlaa ya o go saene jalo? A o akanya gore ba tlaa go amogela kwa lomating?”

¹⁸⁵ “Goreng,” o ne a re, “ke a fopholetsa ba ka se ka.” O ne a re, “Goreng Jesu ne a bua seo?”

¹⁸⁶ Ke ne ka re, “Gone ke mona, o a bona. Goreng? Fa ke go boleletse go ‘yaa o saenele dijo tsena tsa maitseboa, ka leina la Mmusi wa Lefatshe la Arizona,’ mme rone re le baagi ba Arizona, re itseng yo Mmusi a leng ene, goreng, o ne o tlaa itse go go saenela ka leina la ‘Sam Goddard,’ o a bona.” Ke ne ka re, “Ka gore, ena ke Mmusi wa lefatshe. Ga ke a tshwanela go go botsa. O itse yo Mmusi a leng ena. Mme, fa A ne a re, ‘Rara, Morwa, le Mowa o o Boitshepo,’ O ne a itse ka foo ba neng ba ile go kolobetsa ka teng. Ba ne ba itse Yo A neng a le ene. ‘Dinku tsa Me di itse Lentswe la Me.’ O a bona? O a bona?”

O ne a re, “Ao, ke a bona.”

¹⁸⁷ Fela jaanong, selo se se latelang, a o tlaa dumela? Lo a bona? “Ena yo o utlwang Lefoko la Me, mme a dumela Yo o Nthometseng, o na le Botshelo jo bosafeleng.” Mme fa Botshelo jo Bosakhutleng jona jo boša bo nna mo go wena, Jone ke go nna le bokgoni.

¹⁸⁸ Fa o amogetse Mowa o o Boitshepo ona jaanong, o ba neng ba o dira kwa Pentekoste; ba ne ba le didirisiwa, jaanong Thata ya didirisiwa e ne e tshwanetse go tla. Ba ne ba dumetse. Lo a itse, ditsala tsa rone tse di molemo tsa Mabaptisti di re bolelela di re, “Fa re dumela, re na le One.” Fela, ba ne ba sena One, etswa ba neb a dumetse.

¹⁸⁹ Ditiro 19, ba ne ba dumetse, fela ba ne ba sena One. “A lo ne lwa amogela Mowa o o Boitshepo esale le dumetse?” Lo a bona? Ba ne ba na le Didirisiwa, go jalo, ka gore baapostolo ba ne ba . . . Kgotsa, ke raya, Apolose o ne a ba ruta ebole a netefatsa ka Baebele, Didirisiwa, gore Jesu ne e le Keresete, fela ba ne ba ise ba nne le Thata ya didirisiwa ka nako eo. Lo a bona? Ke gone. Go siame.

¹⁹⁰ [Fa go sa theipiwang teng fa theiping—Mor.] . . . -dirisiwa, lona ka gna le bokgoni le na le peeelo, tetelo.

¹⁹¹ Jaanong, fa o amogela Thata ya didirisiwa, wena o tshedisitswe go tloga kwa go sweng go ya bosasweng. Go dira mmele otlhe o tle fa tlase ga puso ya Lefoko. Go tlaa go dira o itshole ka go farologana, o lebege ka go farologana, o tshele ka go farologana. Go tlaa go dira fela o farologane.

¹⁹² Jaanong leba. [Fa go sa theipiwang teng fa theiping—Mor.] . . . nnile wa tshedisiwa. “Wena yo nako nngwe o neng o sule mo boleong le ditlolong, le lefifing, O go tshedisitse.” Ka eng? “Mowa wa Gagwe o o tsositseng Jesu,” mo mosong wa Paseka, “go tswa mo baswing. Mme fa O nna mo mebeleng ya lone e e swang,” jaanong elang tlhoko, “One gape o a tshedisa, o tlisa fa Botshelong, o o dire o nne fa tlase ga puso ya Lefoko.”

¹⁹³ Jaanong, o ka bolela gore o na le Mowa oo jang, wa bo o itatlhela kgakala le Lefoko? Wena o tshedisitswe ke sengwe se sele. Gonno, One o tlaa tshedisa mebele ya lone e e swang go ya ko Lefokong. Go tlhomame, O tlaa dira.

¹⁹⁴ O ka se kgone go dira ntleng ga One. O tlaa pumpunyega fela, fa o sa dumele gotlhe ga One. Fa o na le bontlhabongwe jwa peterole le bontlhabongwe jwa metsi, ga o na go ya golo gope. Lo a bona? O tshwanetse o go tseye lekgolo mo lekgolong, peterole. Fa o sa dire, wena o nna le ditlamorago, mme wena ga o na thata epe. Lo a bona? “Fela nna—nna ke dumela *sena*, fela nna ga ke dumele *Sele*,” pomp-pomp-pomp-pomp. Wena ga o ye golo gope.

¹⁹⁵ Fela, ao, fa wena o tsaya bottlalo! A yone e tshujwe ke seo, Lefoko lengwe le lengwe ke Boammaaruri!

¹⁹⁶ Foo lemogang jaanong, jaaka re tswala, lemogang sena. Lemogang, go fela jaaka e nnye—peo e nnye e dutse mo mmung.

¹⁹⁷ Jaanong, ka ntlha ya go nna le bokgoni, wena o tsositswe. Wena o tsositswe nako e o amogelang Mowa o o Boitshepo mo go wena. O tsositswe gone ka nako eo. Mmele wa gago ka ntlha go nna le bokgoni o tsositswe.

¹⁹⁸ Bona peo e nnye. E jwale mo mmung. E tshwanetse e nwe go tswa mo sedibeng sa Gagwe, metsi a a tshologelang faatshe. Mme jaaka e nwa, e kgoromeletsa godimo kwa ntlheng ya Gagwe, e fetoga go nna thata mo setshwanong sa peo e e neng ya tsena mo mmung. Lo a bona?

¹⁹⁹ Kereke e tlie ka tsela eo, ka tshiamiso, boitshepiso, kolobeto ya Mowa o o Boitshepo, jaanong ka mo lesitlheng la sethunya. Lo a bona? Mowa wa Modimo o ne wa ralala seo.

²⁰⁰ Mme mowa lefatshe o raletse moganetsa-Keresete, ka tsela e e tshwanang, mme jaanong o thunyetsa ka mo lesitlheng la bokopano jo bo tona jwa dikereke, lo bona, selo se se feletseng.

²⁰¹ Mme motho ka bonosi o tla ka tsela eo. Sengwe le sengwe se dira ka se se tshwanang, ka selekanyetso se se tshwanang sa Modimo, ka gore Ena o tshwana maabane, gompieno, le ka bosaeng kae. Lemoga, mo tseleng ya gago, o golela ka mo botlalong jwa tsogo, o eteletswe ke Mowa!

²⁰² Jaaka letsatsi, l-e-t-s-a-t-s-i, le goga sejwalo se sennye seo se se nwang go tswa mo sedibeng sa Modimo, se tswelela fela... Lo a bona, se ka kgona fela go nwa go tswa mo selong se le sengwe. O tshele leokwane golo mo peong e nnye eo ka nako nngwe; o a e bolaya. Go jalo. O tshele metsi a a leswe a a emeng felo go le gongwe, metsi a kgale a a sa solegeleng molemo ope, one a kgotletswe, a tlaa itsa go gola sentle. Se ka se ka sa ungwa leungo. A go jalo? Fela wena o tshele metsi a mmannete a a solegelang molemo a a bonolo a pula, amen, go sena dikhemikhale tse di dirlweng ke motho ka mo go one, a letle fele a tswe kwa magodimong kwa godimo, mme o lebelele sejwalo se sennye seo. Ga go na metsi a a tlaa se godisang jaaka metsi ao a pula. O tshele tlelorine le dilwana ka mo go one, jaaka o leka go re naya mere ka tsone, selo santlha se o se itseng, go bolaya sejwalo.

²⁰³ Moo ke se se leng bothata gompieno. Ba leka go di naya metsi go tswa sedibeng sa selekoko, mme a itsa go gola. Lo a bona? Fela mo letle a nne le...

Tla kwa marothodi a monyo a boutlwelo
botlhoko a phatsimang;
Phatsima gotlhe go ntikologa motshegare le
bosigo,
Jesu, Lesedi la lefatshe.

Foo o na le yone, foo.

Re tlaa tsamaya mo Leseding, Lesedi le lentle
leo,
Le le tl Lang kwa marothodi a monyo a boutlwelo
botlhoko a phatsimang;
Phatsima fela gotlhe go ntikologa.

²⁰⁴ Tlosetsa didiba tsena tse di dirlweng ke motho kgakala le nna! Ga go na sediba se sengwe se ke se itseng; ga go sepe fa e se

Madi a Jesu! Moo ke Sediba sotlhe se ke batlang go se itse. Letla Lefoko le nne mo go nna, Morena; Le nosetse ka Mowa wa Gago.

²⁰⁵ Lemoga, jaanong, fa Mowa oo o tsositseng Jesu mo lebitleng, o nna mo go wena, wena ka ntlha ya go nna le bokgoni o na le Botshelo; o eteletswe pele ke Mowa, go tshedisa Lefoko mo go wena, go Le dumela. Selo se sennye se tswelela se kgoromeletsa godimo jaaka se gola.

²⁰⁶ Lemogang, kwa Pentekoste, mebele ya bone e ne e tshediseditswe ko Botshelong jo boša. Leba kwa segopeng sa magatlapa a mannye.

²⁰⁷ A nna ke lo diegisa nako e telele? [Phuthego ya re, “Nnyaya.”—Mor.] Bonang, nna fela ke matlhagatlhaga go simolola, moo ke gone, ke ikutlwa ke siame. Ijoo!

²⁰⁸ Lemogang, ba ne ba le magatlapa. Lemogang. Fela, ba ne ba na le Didirisiwa. Lo a bona? Fela ba ne bottlhe ba duletse morago teng foo, ba re, “Ao, nna ke a ba boifa. Ao, nna ke boifa go tswela ntle mme ke bue, ka gore, ao, bottlhe bobishopo ba batona bao le dilo golo koo. Ao, nna ke boifa go dira. Baperesiti bao le dilo, nna ke boifa go dira polelo eo, ke boifa gore ke tlaa bua gore ke dumela mo go Ena. Ao, nna fela nka se kgone go dira seo, lo a bona.”

²⁰⁹ Fela, gotlhelele ka tshoganetso. Thata ya didirisiwa e ne ya tla. Ee. Mme E ne ya dira eng? Ga E a ka ya tlatsa fela mewa ya bona, mo teng, fela E ne ya tshedisa didirisiwa tsa bone. Mebele ya bone e ne ya tshedisiwa. Ba ne ba sa tlhole ba le magatlapa. Ba ne ba tswela gone kwa ntle kwa pele ga batho. Ee, rra. “Lona batho ba Judea, le lona ba lo nnang mo Jerusalema!” Kwa e leng gore, pele ga Thata ya didirisiwa e tla, ba ne ba le didirisiwa fela. Lo a bona? “Lona batho ba lo nnang mo Jerusalema, a sena se itsiweng mo go lona, mme lo utlweng mafoko a me! Bano ga ba a tagwa, jaaka lo nagana.”

²¹⁰ Nna ke mongwe wa bona. *Sena* ke Sele! Ke tlaa lo supegetsa se go leng sone. Ke Lekwalo. *Sena* ke Sele! Mme nna ka gale le gale ke rile, “Fa *sena* e se Sele, a nna ke tshegetseng *sena* go tsamaya Sele se tla.”

²¹¹ “Nnyaya, sena ke Sele se se neng se builwe ke moporofeti Joele, ‘mme go tlaa diragala ko metlheng ya bofelo, ne ga bua Modimo, Ke tlaa tshololela Mowa wa Me mo nameng yothle.’” Lo a bona, Thata ya didirisiwa e ne ya tsena ka mo didirisiwang. Ba ne ba sa tlhole ba boifa.

²¹² Ba bangwe ba lona batho ba lo boifang gore mosadi mongwe o tlaa lo tshega ka ntlha ya ga lona le na le moriri o moleele, kgotsa lo tlogetse go tshasa pente ya sefatlhego; bangwe ba lona banna ba lo boifang gore lekgotla la lone lo tlaa lo koba fa lo kolobetsa phuthego ya lona ka kolobetsa ya Lekwalo; lo tlhoka go itswalela ka mo phaposing e e kwa bonnong jo bo kwa godimo go tsamaya Thata ya didirisiwa e tla. Go jalo.

²¹³ E ne ya ba fetola. E ne ya ba tshedisa. E ne ya ba dira ba ba farologaneng. Ba ne ba le batho ba ba fetogileng, go tloga ka nako eo go tswelela. E ne ya ba tshedisa, go tloga botshelong jwa kgale jwa go nna legatlapa, go yeng go tshwana le Tau ya letso la Juda. Bone go sena pelaelo epe ba ne ba lebagana le boswela-tumelo, ba kokotelwa mo difapaanong, ba bapolwa ba phetsogile, ba fisiwa, ba latlhelwa ka mo serubing sa ditau. Go sa tlhole go le magatlapa, mo go bone. Loso le ne le sena phenyo mo go bona, gotlhelele. Thata ya didirisiwa e ne e le mo didirisiweng. Ee, rra. E ne e tshedisitse mmele wa bona o o swang.

²¹⁴ Jaanong reetsang. Selo se sengwe ke sena, go nna bosupi. E ne ya ba tshedisa ka tsela e e kalo go tsamaya (lo a itse ke eng?) ba ne ba tthatlosetswa kwa mafelong a Selegodimo, mme mebele ya bona e e swang e ne ya tshedisiwa go tsamaya puo ya bona e ne e fetoga. E ne fela . . . E ne ya tshedisa puo ya bone. Seo ke se Baebele e se boletseng. Mme, mebele ya bone e e swang e neng e tshedisitswe, puo ya bone e ne ya tshedisiwa. Dikakanyo tsa bona di ne tsa tshedisiwa. Mewa ya bone e ne ya tshedisiwa. Botshelo jwa bone bo ne jwa tshedisiwa. Ba ne ba tshedisitswe, gotlhelele! Ba ne ba leka go bua, mme ba ne ba sa tlhole ba kgona go bua dipuo tsa setho. Ba ne ba tshedisitswe thata golo mo Bolengtengeng jwa Modimo go tsamaya ba ne ba bua ka loleme le leša, puo ya Selegodimo. Whiu! A Thata ya go tshedisa!

²¹⁵ “Fa Mowa o o tsotseng Jesu mo baswing o nna ka mo go wena,” ao, haleluya, “O tlaa tshedisa mmele wa gago o o swang.” O tlaa go dira o dire dilo tse o neng o sa di dire pele. Ba ne ba tletse ka Thata ya go tshedisa ka nako eo. Lo a bona?

²¹⁶ Mmele wa gago ga o sa tlhola o le fa tlase ga puso ya boleo; wena, dikeletso tsa gago.

A re, “Tswelela o tle golo fano!”

Wa re, “Tswala molomo wa gago.”

“Ao, re na le e kgolo go gaisa . . .”

“Tswala molomo wa gago.” Ijaa, wena o ntsu!

²¹⁷ A o kile wa ba wa bona ka foo ntsu ya kgale e e ipusang e tsamayang ka teng? Yone ga e tlopa tlope jaaka lenong, lo a bona, go ya kwa sengweng le sengwe se se suleng, le nama yotlhe e e bodileng e e dutseng mo mmung. Nnyaya, rra. E tsamaya ka motlotlo.

“Tswala molomo wa gago.”

“Ao, fano ke dijo tse di molemo tsa maitseboa ka *kwano*.”

²¹⁸ “Eseng tsa me. Lo a bona, dikeletso tsa me di fetogile. Jelo ya me e farologane. ‘Gonne motho ga a kake a tshela ka nama ya lefatshe e bodileng fela, fa ese ka Lefoko lengwe le lengwe le le tswelelang mo molomong wa Modimo.’” Ntsu thoothoo e e tshedisitsweng e tshela ka Leo. Amen!

²¹⁹ Ao, mme O ne a tsosa Keresete mo lebitleng, a nna ka mo go wena, mme o tshedisitse mmele wa gago o o swang go nna ka mo Bolengtengeng jwa Gagwe. O a Bo lemoga. Wena ga o sa tlhole o le yo o jang majadibodu. Wena o ntsu. Ga o batle dilo tsa lefatshe. O morwa le morwadia Modimo. Wena o keteka kwa Sedibeng se lefatshe le sa itseng sepe ka ga sone. O nwa Sone. Mongwe o itse... Lefatshe ga le itse sepe ka ga sone. Wena o ja mmana o o fitlhegileng o lefatshe le neng ebile le sa itse sepe ka ga One, gonne wena o ntsu. Wena o tshedisitswe golo kwa o kgonang go fitlha kwa go One. O ka se kgone go fitlha kwa go One fa fatshe *fano*, o tshwanetse o tle godimo *kwano*. O tshwanetse o tshedisiwe, o tlhatlosetswe godimo foo, gore A go tshedise.

²²⁰ Ba dirile eng? Ba buile ka puo e nngwe. Baebele e rile ba dirile. “Ba buile ka loleme lengwe le lengwe fa tlase ga Legodimo.”

²²¹ A wena o ka gopola seo, yone mebele ya kgale e e swang e e leng teng foo, e re, “Sentle, ga ke itse jaanong a kana ke kgona go dumela sena kgotsa nnyaya”?

²²² Ka tshoganetso, ba ne ba tshedisitswe thata go tsamaya bobelokgale jwa Tau ya letso la Juda bo fologela ka mo go bona, mo godimo ga Ngata eo e e fokisiwang. Ao, Ntsu ele e ne ya tla go bitsa Se e Leng sa yone! “Mme ba ne ba se rate matshelo a bona go y ka losong.” Amen.

Mme go ile go nna le ba le bantsi ba ba tlaa
neelang madi a botshelo jwa bona
Ka ntsha ya Efangedi ena ya Mowa o o
Boitshepo le morwalela wa Yone o o
bohubidu jo bo mokgona.

²²³ Mme Morwa o tshwanetswe a—a senolwe gape, mo Monyadwing mo motlheng wa bofelo; Thata e e tshedisang e tshwanetse e tle, e ba tshedisetse kwa ntsha ga makoko le ditumelo tsena tsa kereke tse di suleng, go ya kwa Lefoko le le tshedileng la Modimo yo o tshedileng. Ao!

²²⁴ Nnyaya, E ne ya ba tshedisetsa kwa Botshelong jo boša. E re direla selo se se tshwanang jaanong. Lemoga, foo, ba ne ba tshedisitswe thata jang mo Thateng eo ya go tshedisa! Jaanong nna...

Reetsang ka thoafalo jaanong. Nna ke leka go le bontsha.

²²⁵ Thata ya go tshedisa e ne e se fela ka mo moweng wa bona wa botho, fela E ne e le gongwe le gongwe mo godimo ga bona. Yone... E seng fela Thata ya didirisiwa ne ya tsena, go tshedisa, fela E ne ya tshedisa didirisiwa. Lo bona se ke se rayang? Ba ne ba tshedisitswe thata go tsamaya maleme a bone a ne a simolola go bua ka puo e nngwe. Ba ne ba tshedisitswe thata ka Thata ya tsogo ya ga Keresete, go tsamaya ba ne ba baya diatla tsa bona... Ba ne ba tshedisitswe thata ka Thata e e tshedisang, go tsamaya, fa ba ne ba baya diatla tsa bona mo go ba ba lwalang,

ba ne ba siama. "E ne ya tshedisa mmele wa bona o o swang." Ba ne ba fodisiwa, ka go baya diatla tsa bona fa godimo.

²²⁶ Mme Mowa o ne wa tshedisa kabalano ya bona ga mmogo le Modimo, go tsamaya le bona gape ba ne ba tshedisitswe thata ka mo Bolengtengeng jwa Modimo go tsamaya, fa motho a ne a sule mme mowa wa bone wa botho o ne o tlogile, E ne e o busetsa morago mo botshelong gape. Amen! Kgalalelo! Jaanong nna ke ikutlwa yo o bodumedi.

²²⁷ Go jalo, ba tshedisitswe! Tsogo ya Gagwe e ne e se fela ya Gagwe, fela ya le fa e le mang yo o ratang, ko Peong ena e e tlhomamiseditsweng pele e e dutseng foo. Go tshedisa, e tshedisa mmele o o swang!

²²⁸ Ba ne ba baya diatla mo godimo ga ba ba lwalang; ba ne ba tsoga. Ba ne ba rapela; mo Moweng ba ne ba bona diponatshegelo, ba biletsha ba ba suleng morago mo botshelong. Go jalo. "Ne ya tshedisa mebele ya bona e e swang."

²²⁹ Fa E tsena ka mo go wena; fa e le gore go jalo...Jaanong, o ka nna wa bua gore go jalo; fela fa e le gore go jalo, ditshupo tsena di latela moo, lo a bona. "E tshedisa mmele wa gago o o swang." E tlaa go tshedisa.

²³⁰ Jaanong, lemoga, go tshedisa mo Bolengtengeng jwa Modimo. Goreng? E ne e le Mowa wa Modimo o o tsositseng Jesu mo lebitleng. Mme, Mowa wa Modimo, "Ke ba neela Botshelo jo Bosakhutleng," go tswa mo lefokong la Segerika, fa wena o e phuruphutsa, Zoe, o o E tsamaisang go go ralala mme o tlogue o tshedise (wa bona) ebole le monagano wa bona.

²³¹ Jaanong leba. O ka bua jang gore Mowa oo o nna mo go wena? Le fa o dirile sengwe le sengwe se o neng o akanya gore se ne se nepagetse, bosupi jwa gago ke bona gore a kana wena o na Nao kgotsa nnyaya. Fa Mowa o o neng o le mo go Keresete o le mo go wena, One o go tshedisetsa gape ko Lefokong, gonne Ena ke Lefoko. Mme fa o le, kganetsanong, o go tshedisetsa kgakala le Lefoko, foo ga se Mowa wa Keresete!...kgathale se o se dirileng, go tsamaya Eo e go tsamaisetsa ka mo Lefokong. "Dinku tsa Me di utlwa Lentswe la Me, mme di tla tshela ka Lefoko lengwe le lengwe," Lefoko lengwe le lengwe! Ke ne ke bua ka ga seo maloba.

²³² Mma o e leng wa me, o tsweletse pele jaanong, mme ena o ne a le mosadi yo neng a sa tlwaelesega thata. Mme o ne a le, lo a itse, seripa sa Moindia, mme o ne a le yo o sa tlwaelesegang. Fela mo teng moo e ne e le motho yo neng a sa lore. Fela nna ga ke akanye...O ne a nna le fela ditoro di le nnê kgotsa di le tlhano, botshelo jotlhe jwa gagwe. Fela nako nngwe le nngwe e a neng a lora toro, e ne e le nnete. O ne a nna le toro, e ne e le nnete.

²³³ Ke gakologelwa nako nngwe fa lantlha ke ne ke simolola go rera, dingwaga di le dints'i tse di fetileng. Re ne re nna gone godimo fano mo tseleng, gone fela fa godimo fano. Ke ne ke rera

gone fano mo kerekeng e. Mme o ne a lora toro, gore ke ne ke eme fano fa letlhakoreng la direpodi tse tharo. Mme ke ne ke eme, ke rerela mongwe le mongwe, gore ba ne ba tshwanetse ba pagame direpodi tsena tse tharo pele ga ba tsena kwa tseleng ya mheru. Mme mo tseleng ya mheru go na le mola o monnye o o bosweu jo bo tshwanang le jwa talama, o ne o fetela gone ka fa meja—meja—mejakong ya Legodimo, go ya kwa kgorong ya talama. Mme talama eo e ne e gagamaditswe go yeng kwa tlhoreng ya direpodi tsena. Fa oo e se Molaetsa wa me totatota gompieno; tshiamiso, boitshepiso, le kolobetso ya Mowa o o Boitshepo! Mme ke ne ke bua gore motho o tshwanetse a tle ka direpodi tsena tse tharo, gore a kgone go tsamaya mo tseleng eo ya mheru. Mme ne ka re gore . . .

²³⁴ Ne go na le mohumagadi yo neng a tla fano. Jaanong, lo a itse ke mohuta ofeng wa ditlhako o batho ba neng ba o rwala dingwaga di le masome a le mararo le botlhano tse di fetileng. Go ne go na le mohumagadi yo neng a tla fano, a rwele para e kgolo jaaka tse ba di rwalang gompieno, ditlhako tse di nang le direthe tsa dimapo. Mme o ne a tla fano. Mme ke ne ka re, “Ema motsotsso, kgaitsadi. O ka se kgone go tsamaya mo tseleng ya mheru ka tseo.” Mme ke ne ka re, “Wena—wena, wena o ka se kgone go dira seo.”

²³⁵ Mme o ne a re, “Ah!” O ne a re, ne a leba mo tikologong ko go botlhe basadi ba bangwe, a bo a re, “Lo sekä lwa mo dumela. Ena ke monna yo o tsenwang. Lo a bona? Lo se mo dumele. Nna ke tlaa lo supegetsa gore nka kgona go siamisiwa, ka itshepisiwa, ka ba ka tladiwa ka Mowa o o Boitshepo, mme go sale jalo ka tsamaya mo go eo.” Mme ena . . . Ke ne fela ka mo tlogela a tsamaya. Ke ne ke sa kgone go ka dira sepe ka ga gone, ke ne ke ka se kgone go mo emisa. Mme o ne a tlolela godimo ko tseleng ya mheru. Mme o ne a leba kwa morago kwa go kgaitsadi, a bo a re, “O a bona, ke go boleletse!” O ne a simolola go tabogela godimo, mme ena . . .

²³⁶ Lo a itse, jaaka Baebele e bua, mo go Isaia, kgaolo ya bo 5, gore ba tlaa nna le “dithamo tse di gagametseng.” Ba tshwanetse ba dire; bona ba wetse ka kwa, lo a bona. “Ba thetha fa . . .” Ba tshwanetse ba dire, ba tshwanetse ba thetha, “Ba thetha fa ba tsamaya, ba tsirinya mefiri ya maoto; lo a bona, barwadia Sione mo motlheng wa bofelo.”

²³⁷ Mme o ne a simolola go pagama tsela eo ya mheru, fela thata jaaka a neng a kgona go taboga ka teng. Mme, morago ga nakwana, tsela e ne ya nna e tshesane go feta le e e tshesane go feta. O ne a simolola go thetheekela, a thetha *jalo*, mme o ne a tloga a wela.

²³⁸ Mme mma ne a re, “Pokolelo e e maswe thata e ke kileng ka ba ka e utlwa mo botshelong jwa me, e ne e le mosadi yole fa a ne

a wela ka mo malakabeng le mosing oo, a ya tlase, tlase jalo.” Ne a re, nna “ne ka retologa mme ka re, ‘Lo a bona?’”

²³⁹ O ne a obamela sengwe le sengwe ko ntleng ga Lefoko le le lengwe, lo a bona, sengwe le sengwe ko ntleng ga Lefoko le le lengwe. Go tlhomame, basadi ba Mapentekoste ba kgona go pholoswa, ba itshepiswi, mme ba tladiwe ka Mowa o o Boitshepo, mme ba tloge ba palelwe. Go sena pelaelo epe. “Motho a ka se tshele ka senkgwe se le sosi, fa e se ka Lefoko lengwe le lengwe le le tswelelang.” Lo a bona? Lo a bona? Mme o ne a Le swabisa. Mme jaaka ke ne ke bua, lo a bona, o ne a tlaa bo a tsweletse go tsena, sentle, fela, lo a bona, o ne a palelwa ke go reetsa; le ne le mmolelela se se neng se le kwa pele. Mme O ne a kwala Efangedi ka barutwa, baapostolo, le Thuto ya baapostolo ya kereke le baporofeti, le jalo jalo, mme bona ga ba tle go reetsa.

²⁴⁰ Jaanong lemogang Thata ena e e tshedisang, Zoe, e tlisa Lefoko, monagano o o neng o le ka mo go Keresete o ne o le ka mo go wena ka nako eo. Ke leka go go bontsha, seo, wena, ka nako e o neng o tsoga. Nako e Modimo a neng a tsosa Jesu mo baswing, O ne a go tsosa, le wena. Mme ebile a go tshedisetsa ko Botshelong, le Ena, wena jaanong o tshedisedswe ko Botshelong, le fa ka nako eo o ne o le fela sekao mo dikakanyong tsa Gagwe, fela Modimo ne a bone tsotlhe mo go Ena, kwa bofelong, lo a bona. Fa Modimo a ne a leba fa tlase mo mmeleng . . .

²⁴¹ Mowa o ne wa Mo tlogela, ko Tshingwaneng ya Gethesemane. O ne a tshwanetse gore a swe, e le motho. Gakologelwang, ditsala, O ne a sa tlamega gore a dire seo. Moo e ne e le Modimo. Modimo o ne a tloditse nama eo, e e neng e le nama ya motho. Mme O ne a sa . . . Fa A ka bo a ne a ile golo koo, jaaka Modimo, A ka bo a ne a sa swa mohuta oo wa loso; o ka se kgone go bolaya Modimo. Fela O ne a sa tlamega go go dira.

²⁴² Fela, gakologelwa, O ne a ya koo le wena mo go Ena. Lo a bona, Modimo ga a ise a ko a kgaoganye Monyadiwa mo Monyading, le ka nako epe. Jalo he fa Modimo a ne a leba mo tlase ko mmeleng wa ga Keresete, O ne a bona ba le babedi monna le mosadi. Go ne gotlhe go rekolotswe mo mmeleng o le mongwe oo. Lo a bona? Bone ke bongwefela, ba ba tshwanang, Lefoko le le tshwanang. Lefoko le le tshwanang, le le builweng ke Monyadi, le bua le Monyadiwa.

²⁴³ Sentle, Monyadiwa a ka kgona jang go tla, mme a palelwe ke go bonatsa sengwe le sengwe se se neng se sololeditswe ka Ena; mme Monyadi a tle, mme Ena a ka se tle go nna Monyadiwa? Fela fa A ne a dira sengwe le sengwe, le e leng go go netefatsa ka go Itsosa mo baswing, morago, ka ntlha eo a monya—Monyadiwa ga a a tshwanelo go dira selo se se tshwanang, a tshwanele go nna totatota se Lefoko le se buileng gore O tlaa nna sone mo metlheng ena ya bofelo. A Ena ga a a tshwanelo go bowa ka Malaki 4? A Ena ga a a tshwanelo go bonatswa jaaka go ne go

ntse ko metlheng ya Sotoma? A lefatshe ga le a tshwanelo go nna fela totatota jaaka le ntse? A dilo tsena ga se bosupi jo bo itekanentseng jwa Lefoko la Modimo le re le itsisitsweng?

²⁴⁴ Sentle, ditsala, ke a itse ke lo diegisa lobaka lo lo leele, metsotsa e le lesome le botlhano go yeng kwa dijong tsa maitseboa, fela gongwe ke tlaa bo ke weditse ka nako eo. Fela lemogang, lebang fano, a selo se se itekanetseng se sone se leng sone. Ga ke itse gore ke tlaa lo bona leng gape. Lo a bona?

²⁴⁵ Lebang, lemogang sena. Fela Modimo ne a bonela kwa pele Monyadiwa mo Monyading. Haleluya! Lo a bona, go pholosa Mosadi wa Gagwe, jaaka Atamo, O ne a tshwanelo go tsamaya le Mosadi. Atamo ne a itse se a neng a se dira; Efa ne a sa itse se a neng a se dira, fela Atamo ne a tswa le mosadi wa gagwe. Lo a bona? Mme Jesu ne a tsaya lefelo la Mosadi wa Gagwe mme a fetoga go nna boleo ka ntlha ya Gagwe. Gakologelwa, O ne a fetoga go nna wena, O ne a emela kotlhao ya gago, gore o tle o eme mo lefelong la Gagwe. O ne a ema mo lefelong la gago, gore o tle o eme mo lefelong la Gagwe. A lerato! A kabalano! Re ka go gana jang? Re ka dira sepe jang, fa e se go Mo rata, tsala? Nka dula dioura mo go yone, fela a rona re tsweleleng pejana gannyne.

²⁴⁶ Jaaka maitemogelo a pentekoste gompieno, le go tla ga Mowa o o Boitshepo mo metlheng eno ya bofelo, jaaka go soloeditswe, go jaaka tshoboko ya thuo mo setlankaneng sa mokwalo wa thuo. Lo a bona?

²⁴⁷ Jaanong, wena o ka bona mokwalo wa thuo. Go tlhomame. Lo a bona? O kgona go ka nna le mokwalo wa thuo ya lefelo, fela seo se santse se sa kae gore ke ya gago. Nnyaya, rra. Mongwe kgakala kwa morago kwa a ka tla a bo a bua gore ke ya gagwe. Fela fa wena o nna le tshoboko ya thuo, seo se supegetsa gore sengwe le sengwe se le ka nako nngwe se leng kgatlhanong le gone se a phimolwa, go tloga kgakala kwa morago kwa motheong. A go jalo?

²⁴⁸ Mme foo fa motho a buile gore o dumela Lefoko, mme foo fa Mowa o o Boitshepo o tla, One ke tshoboko ya thuo mo mokwalong wa thuo. Mme moo go go neela ttlelelo, fa wena o na le tshoboko eo ya thuo, gore bonnyennyenneyane bongwe le bongwe jwa seo ke jwa gago, le gore sengwe le sengwe se se leng mo go sone ke sa gago. Amen! Mme moo go re neela tshoboko ya thuo, fa Mowa o o Boitshepo o tla mo setlankaneng sena sa mokwalo wa thuo se Modimo a se boneng morago kwale pele ga motheo wa lefatshe, a bo a tsenya leina la sone mo Bukeng ya Botshelo; fela wena ne wa tsalwa ka monna le mosadi, mme wa nna yo o buswang ke boleo, ebile o le molato wa boleo. Fela fa ke ne ke dumela mo go Yone, ke ne ka amogela setlankana sa thuo; fela erile Mowa o o Boitshepo o ne o tla, E ne e le tshoboko ya thuo gore sengwe le sengwe se se kgatlhanong le nna, a kana mmê o se dirile, rrê o se dirile, mmamogolo o se dirile. . .

²⁴⁹ Jaaka ngwana, yo monnye yo neng a na le mongatego yo ke neng ka mo rapelela, metsotso e le mmalwa e e fetileng, yo o neng a tla le batsadi-bagolo-golwane ba gagwe. Mongatego ne wa wela faatshe, mme e le mo ngwaneng, ke ne ka bua.

²⁵⁰ Fela fa tshoboko ya thuo e tlide, E ne ya tlosa, ya ntsha sengwe le sengwe. Nna ke motshwari wa tshoboko ya thuo ka nako eo. Amen! Mme jaaka go tlhomame gore Mowa o tsositse Keresete mo baswing, nna ke na le setlankana sa tshoboko ya thuo gore nna ke bontlhabongwe jwa Mmele oo, ka tshoboko ya thuo ya Mowa o o Boitshepo o o dirang gore mmele oo wa Lefoko o tshele fela totatota jaaka O dirile mo go Ena, jaaka A soloeditse mo motheng wa bofelo. Tshoboko ya thuo! Maleo otlhe a me a phimotswe, maleo otlhe a gago a phimotswe, ka Madi a ga Jesu Keresete, mme Mowa o o Boitshepo o tlide jaaka tshoboko ya thuo mo setlankaneng sa mokwalo wa thuo se Modimo o se nneileng ka letlhogonolo, ka kitsetso-pele. Ijoo!

²⁵¹ Ke eng se o boifang ka ga sone? Ga e kgane A ne a re, “Lo se boife; Ke nna Ena yo neng a sule mme ke tshela gape; mme Ke tshela ka bosafeleng; mme Ke na le dilotlele tsa loso le bobipo.” Lo se tshwenyege ka ga sepe. Le e leng loso ga le tle go le utlwisa botlhoko. Lemogang. Bontle!

A re yeng gone ka bonako jaanong.

²⁵² Mokwalo wa thuo mo tshobokong ya thuo! Sekoloto se duetswe sotlhe. Sengwe le sengwe kgatlhanong le sone se phimotswe. Ha-ha-ha! Kgalalelo! Nka nna ka bo ke itshwere jaaka bomatla, fela ke ikutlwa ke siame. Lemogang. Lo a bona? Ao, setlankana sa tshoboko ya thuo, a lo lemoga se moo go se rayang? A o lemoga se moo go se rayang, mokaulengwe? Ga go sepe se se ka go tsayang mo go wena. Amen. Nna ke motshwari. Amen. A se . . .

²⁵³ Ke setlankana sefeng sa thuo? Nna jaanong ke tsere madi ka ntlha ya ke le moamogedi wa melemo ya Gagwe, ya loso la Gagwe, phitlho, le tsogo. Ena o ne a fetoga go nna nna, gore ke tle ke fetoge ke nne Ena. Jaanong, O ne a fetoga a nna moleofi, gore ke tle ke fetoge ke nne morwa, amen, mme ke tshole setlankana sa tshoboko ya thuo. “Gonne ditshupo tsena di tla latela bao ba ba dumelang,” lo a bona, setlankana sa tshoboko ya thuo!

Jaanong ka bonako, pele ga . . . Re na le go ka nna metsotso e le lesome e mengwe.

²⁵⁴ A rona jaanong re lemogeng, ka bonako, go tshedisa ga Mowa. Ke ile go le supegetsa ditshupo dingwe gore lo tle lo tlhaloganye. Lebang, jaanong elang tlhoko, eng, “Thata ena e e tshedisang” e ne e le serutwa sa me. Morago ga Morwa a sena go tsoga, leba ka foo E dirileng mo go bona kwa Pentekoste, se E se dirileng mo go bona, se Thata eo e se ba dirileng. E ba tshedisitse.

²⁵⁵ Jaanong nteng re lemogeng se E se dirileng mo go Setefane. Setefane ne a tletse ka Thata e e tshedisang. A moo go ne go se

jalo? Lo a bona, o ne a tletse ka Thata e e tshedisang. Ga e a ka ya mo dira a boife. O ne a re, "Lona ba melala e e gwaletseng mme le sa rupisiwa mo pelong le ditsebeng, lona ka gale le gale le ganetsa Mowa o o Boitshepo; jaaka borraalone ba dirile, le lone fela jalo. Ke ofeng wa baporofeti yo neng a bontshetsa pele go tla ga Yo o Siameng, yo borraalone ba sekang ba mo kgobotletsa?" Ijoo! Ne ga dira sengwe mo go ena. Go tlhomame, o ne a tletse ka Thata e e tshedisang.

Mme ba ne ba re, "Re tlaa nyeletsa moeka yole!"

²⁵⁶ Mme erile a ne a swa, ba ne ba mo kgobotletsa; mme tlhogo ya gagwe e nnye e e tlhomolang pelo, maje a itaya kgathlanong le yone jalo. O ne a lelala a bo a re, "Ke bona Magodimo a bulegile." Thata e e tshedisang e ne e dira. "Ke bona Magodimo a bulegile, mme Jesu a eme fa seatleng se segolo sa Modimo." Moo ke se Thata e e tshedisang e se diretseng Setefane.

²⁵⁷ Lemogang mogoma yo mongwe, yo neng a na le Thata ena e e tshedisang, leina la gagwe e ne e le Filipo. O ne a tletse ka Thata e e tshedisang thata. O ne a na le bokopano jo bo tona golo ko Samaria. Bodiabolo ba ne ba kgoromeletswa ntle. Batho ba ne ba kolobetswa ka Leina la Jesu Keresete. Ba ne ba na le bokopano jwa mmannete. Mme Mowa ne wa buwa le ena, ao, tha—Thata ya didirisiwa ne ya fologa, mme E ne ya re, "Tlogela tsosoloso ena." Fela badiredi ba tlaa reng? Ga go dire pharologanyo epe se ba se buang. Lo a bona? O ne a tletse ka Thata e e tshedisang. O ne a na le peterole, mme tha—Thata ya didirisiwa e ne e fologela mo go ena. Ne ya re, "Tswela golo ka ko sekakeng."

²⁵⁸ Mme o ne a fitlhela moopafadiwa koo, a bo a mo kolobetsa ka Leina la Jesu Keresete; monna a le mongwe, yo neng a isa Molaetsa ko Ethiopia. A go jalo? Mme o ne a obamela Modimo.

²⁵⁹ Mo go o obameleng Modimo, fa o ise o bo o kolobetswe ka Leina la Jesu Keresete, go dire, mme o ele tlhoko Thata e e tshedisang e go tthatlosa foo. Lo a bona?

²⁶⁰ Erile Setefane a dirile selo se se tona sena...kgotsa, eseng Setefane. Fela Filipo a dirile selo se se tona sena, go tlogela tsosoloso e kgolo eo mme a obamela ditao tsa Modimo, fa a ne a diragaditse, ka go tladi... Ka go kolobetsa moopafadiwa yona, mo kobameleng ya Modimo, o ne a tletse thata ka Thata e e tshedisang go tsamaya E mo phamolela kgakala. "E tlaa tshedisa mmele wa gagwe o o swang, fa Mowa ona o o tsositseng Jesu mo baswing." O ne wa tshedisa Filipo go tsamaya a ne a se bonwe gongwe mo dimmaeleng di le lekgolo le masome a le matlhano, go ya golo gongwe go sele, ka kwale ko lefatsheng le lengwe. E ne ya tshedisa mmele wa gagwe o o swang. O ne a go dira jang? O ne a tletse thata ka Thata e e tshedisang.

²⁶¹ Ao, Kereke ya Modimo o o tshelang, re ka se kgone go ema tikologong fano mo godimo ga matsele a mannye a sukiri a re a anyang fa tikologong fano gompieno. Re tshwanetse re

tlaleng re be re rape leng gotlhelele, ka Thata e e tshedisang, go fitlheleng go tshedisiwa ke Mowa o o Boitshepo! Re tshwanetse re phamolelweng, letsatsi lengwe, mo Phamolong eo ka kwa. Ee, rra. Amen! Ijoo!

²⁶² Intshwareleng polelo eo. Ke ne ke akanya ka ga mma yo o dirang dikgetse tse dinnye tseo, re ne re tlwaetse go direla, ngwana yo monnye. Bangwe ba lone bomma ba kgale lo a go gakologelwa. Ngwana yo monnye wa kgale ne a simolola go gwetla; lo ne lo tsaya dinawa dingwe tsa kofi le sukiri, lo di phuthele mo kgetseng le bo le mo lettelela a go monyetsa, fela go mo kgaodisa. Ga go na maatla mo go seo. Go tlaa mmolaya. Lo a bona? Khafeine eo ya kgale mo teng moo, le dilwana, go natetsha gannye go mo dira a go meletse tlase, ke go tsenya khafeine ka mo go ena.

²⁶³ Re lapisitswe ke dilwana tse di jaaka tseo. Boang! Lone lo dintsu; morago kwa Lefokong la Modimo. Nnang ba ba pelokgale; ga go sepe se se ka utlwisang dikutlo tsa lone botlhoko, ke gone ka moo lone lo gololesegileng mo matlhabisa ditlhong otlhe a motho. Le fa e le eng se mongwe a se buang kgatlhanong le lone, moo go tlisa fela lerato le le fetang. Amen. Mme, Thata e e tshedisang, o phamoletswe ka ko Magodimong, ntsu e e setseng e foletse kwa godimo ga dikokwana, kgakala kwa godimo kwale ko mafelong a Selegodimo mo go Keresete Jesu! Ao!

E ne e le mo go Filipo. Eo e ne ya mo tshedisa, ya mo phamolela kgakala.

²⁶⁴ A re tseyeng monna yo mongwe. Go ne go na le monna ka leina la Enoke. Jaanong, o ne a tsamaile le Lefoko lengwe le lengwe la Modimo, go ka nna dingwaga di le makgolo a le matlhano. O ne a na le bopaki, gore, “Nna le ka nako e le nngwe ga ke ise ke swabise Lefoko la Gagwe.” O ne a tlala thata jang ka Thata e e tshedisang fa Thata ya didirisiwa e ne e mo ama, mo Didirisiweng tseo, o ne ebole a sek a tshwanela go swa; o ne fela a tswelela a tthatlogela Gae. Ne a simolola fela go tsamaya. O ne a le thata jang . . . Jaaka Filipo, o ne a tlala thata jang ka Thata e e tshedisang, go na le gore a ye ka kwa ko Gaza le go ya kwa lefelong le lengwe, kwa, ba ne ba mo fitlhela golo ko matshitshing a a kwa godimo koo. Mo boemong jwa tsela eo, o ne fela a tsamaya, ao, ne a re, “Nna ke monna mogolo, le fa go le jalo. Ke na fela le Thata e e tshedisang e ntsi ga kana, nna fela ke tlaa tsamaela gone gore ke tswe mo lefatsheng.”

²⁶⁵ Eo ke Thata e e tshedisang e e tshwanang e re nang nayo gone jaanong. Lo a bona, E tlaa tshedisa mmele wa gago o o swang. A moo ga go jalo? Ke Dithata tse di tshedisang.

²⁶⁶ Enoke, ka bopaki jo bo itekanetseng joo, gore, “Sengwe le sengwe se Modimo a se mpoleletseng go se dira, ke se dirile. Sengwe le sengwe se ke se boneng gore O nttheile a re ke se dire,

ke se dirile.” Mme o ne a fetoga go nna yo o tletseng thata ka—ka Thata ya didirisiwa, kgotsa—kgotsa Didirisiwa, go tsamaya, fa Thata e e tshedisang e mo ama, Didirisiwa, Yone e ne fela ya mo tlhatlosetsa gone kwa godimo. O ne a tswelela a tsamaela kwa ntle ga lefatshe, go ya ka ko Legodimong.

²⁶⁷ Jaanong, jaanong lemogang, mo go Elia. Morago . . . Lebang, Elia, moporofeti yo mo tona yoo, monna mo motlheng wa gagwe. Intshwareleng. Mokaulengwe, kgaitsadi, mo motlheng oo o ne a ba kgalemela bone basadi bao ba difatlhego tse di pentilweng, bone bo Jesebele le bo Ahabe bao. Mme ne a ema go tsamaya . . . Mme ga go ope, go neng go lebega jalo, yo neng a eme le ene. Mme o ne a kgalema, le go kabetsa, mme ne a ema golo foo, mme Modimo ne a mo tlametse ebile a mo thusitse mo lefelong lengwe le lengwe. Lo a itse, mogoma yo mogolo ne a lapa letsatsi lengwe. O ne a re, “Nna ke a tsofala, jalo he nna fela ga ke kgone go tswelela go ya pejana.” O ne a lebile kwa go, ke a fopholetsa, bogolong jwa dingwaga di le masome a ferabongwe; a tsofetse ka nnete, mme a ne a tsamaya tsamaya foo, mme o ne a tletse thata ka Thata e e tshedisang. Lo a itse ke eng? O ne a leba go kgabaganya Jorotane.

Oh Modimo! Nna ke batla ke kgona go bona ka kwa letlhakoreng le lengwe. A ga lo kgone?

²⁶⁸ A tletse thata ka Thata e e tshedisang, go tsamaya, a ne a bona karaki e ne e gokeletswe golo foo, dipitse dingwe tsa Molelo le karaki ya Molelo, di gokeletswe mo setlhareng sengwe golo koo. O ne fela a tsamaya go kgabaganya noka a bo a ya Gae, ntleng ga le e leng go swa. Thata e e Tshedisang e e neng e rometswe, ne ya baka gore karaki e fologele tlase go tswa Legodimong mme e mo tlhatlose. O ne ebile a apola jase ya gagwe a bo a e latlhela morago kwa go Elia. Go jalo.

²⁶⁹ Jaanong, ka nako eo mogoma yoo ne a tsaya kobo eo, setshwantsho sa Kereke gape, lo a bona, ne a tsaya kobo eo. Jaanong, o ne a dira metlholo e e gabedi, mo e leng setshwantsho sa Keresete le Kereke. Lo a bona? Elia o dirile e le menê; ene o dirile e le ferabobedi. Lo a bona, jaanong, o ne a—o ne a le thata e e gabedi, ka gore o ne a e lopa. “Dilo tse dikgolo go feta tsena tse Ke di dirang lo tlaa di dira.” Lo a bona? Fela o ne a tletse thata ka Thata e e tshedisang, le sengwe le sengwe, go tsamaya a ne a dira dilo tsotlhe tsena, tse di gabedi, tse Elisha a di dirileng, go feta go na le tse a di dirileng. Mme lemogang, o ne a tswelela a tshela botshelo go tsamaya a ka nna bogolo jwa dingwaga di le masome a ferabobedi kgotsa masome a ferabongwe, o ne a tsofala mme ena—o ne a swa. O ne a swa, mme ba—ba ne ba mo isa kwa ntle mme ba mmoloka.

²⁷⁰ Lo a itse, sentle, Thata eo e e tshedisang ga e a ka ya mo tlogela. Dingwaga di le dintsi, ntsi morago ga foo, fa nama e ne e bodile yotlhe go tloga mo masapong a gagwe, o ne a robetse

mo lebitleng. Mme ba ne ba rwetse monna yo o suleng letsatsi lengwe, mme ba ne ba bona mmaba, mme ba ne fela ba latlhela monna yona mo godimo ga masapo a ga Elisha. Go ne go na le Thata e e tshedisang e ntsi thata gore mo godimo ga masapo ao go tsamaya monna yo a tlolela godimo a tshela gape. Ao!

²⁷¹ “E tlaa tshedisa mmele wa gago o o swang.” Le fa o sule ebile o bola mo lebitleng, mme le fa go le jalo Thata e e tshedisang eo e ne e dutse ka koo mo loroleng. Haleluya! Ah! “Ena yo o tsositseng Keresete mo baswing o tlaa tsosa gape le mmele wa gago o o swang.” Elia morago koo, Elisha le Elia . . .

²⁷² Gakologelwang, monna yo neng a sule yoo, moporofeti yoo, a neng a tletse ka Thata e e tshedisang eo, a neng a robetse mo lebitleng ebile a bodile; go ne go na le Thata e e tshedisang e ntsi thata jalo, go tsamaya, erile ba ne ba latlhetsi monna yo neng a sule mo go ena, o ne a tshela. O ne a santsi a ka kgona go baya diatla mo go ba ba lwalang. A o ne a ka se kgone? Amen. Lona lo bao.

²⁷³ Mme gakologelwang, rona re nama ya nama ya Gagwe, Jesu Keresete. “Re nama ya nama ya Gagwe, le masapo a masapo a Gagwe.” Ao, ga go na tsela ya go tloga mo go gone. Re ile go tlhatloga, mme moo ke gothe. Lo ile go tlhatloga, moo ke gothe.

²⁷⁴ Paseka e kaya mo go fetang go na le fela ngwao. Yone ke gape jaanong, gonne mebele ya rona e tshedisitswe le Ena mme re dutse mo mafelong a Selegodimo.

²⁷⁵ Mme mmele ona o ka nna wa bola mo lewatleng; o ka nna wa bola mo mmung; go ka nna ga bo go sena melora e e tletseng lesi; fela one o a tla mo pontsheng. Gonni, Mowa o o tsositseng Morena wa me mo baswing o tshedisitse mmele ona o o swang. O tshedisitse mmele wa gago o o swang. Mme rona re baamogedi ba melemo ya Gagwe ya tsogo ya Gagwe, megopolis le dikakanyo tsa Gagwe tsa Botshelo jo Bosakhutleng jo nna ke buang thata jaana ka ga bona, lo a itse. Ga e kgane O ne a re, “Se boifeng.” O ne a tshwanetse go itse.

²⁷⁶ Gonni jaaka Paulo ne a bua, “Loso, lebolela la gago le kae? Lebitla, phenyo ya gago e kae? Nna ke tletse ka Thata e e tshedisang. Malebogo a nne kwa go Modimo, Yo o re nayang phenyo ka Morena wa rona Jesu Keresete.” Ee, rra! Thata e e tshedisang. Ijoo!

²⁷⁷ O tshela go ya bosafeleng, “yo o tshwanang maabane, gompieno, le ka bosaeng kae.” Bahebere 13:8. Lemogang, Mesia, Motlodiwa; le Monyadiwa wa Gagwe o jalo, Bomesia ba bannyi, lo a bona, Motlodiwa.

²⁷⁸ Lemogang, loso ga le kganele Thata e e tshedisang ya Modimo. Loso ga le kgone go E kganeli. Fa o na le Yone, Yone ke ya Bosakhutleng. Ga gona sepe se se ileng go E kganeli. O ka se kgone go E laola; o ka se kgone—ka se kgone go E dira sepe. O

tshele botshelo jwa gago o bofetse, moo go santse go sa E kganele; e fela e e siameng jaaka E ne e ntse ka teng.

²⁷⁹ Lemogang, Moshe o tletse ka Thata e e tshedisang eo. A o ne a le jalo? O ne a le moporofeti yo Lefoko le neng le tla kwa go ena. O ne a le bontlhabongwe jwa Lefoko. O ne a le Lefoko le motlha oo. A go jalo? Mme morago ga a sena go swa, dingwaga di le makgolo a ferabobedi; ko Thabeng ya Phetogo, o ne a eme foo, le Elia. A go jalo? Thata e e tshedisang, loso ga le kitla le E tlosa. Nnyaya, nnyaya. “Ke tlaa e tsosa gape.” Baengele ba tla; ba mmoloka golo foo mo mokgatsheng. O ne a bodile mme a ile, masapo a gagwe a ne a ile, le sengwe le sengwe se sele, fela Thata e e tshedisang e ne santse e le foo. E ne ya mo tshedisa ya bo e mo tsosa. Mme ena o ne a le yoo, a eme foo. Lemogang.

²⁸⁰ Lwa re, “A moo go jalo, Mokaulengwe Branham, morago ga dingwaga di le makgolo a ferabobedi?” Ijoo!

²⁸¹ Fa o ne o tlaa bala mo go Matheo, ke na le Lekwalo, Matheo 27:51. O ka le kwala, o le kwale fatshe. Fa botlhe bao kwa morago koo, ba ba neng ba dumela gore O ne a tlaa tla... Baebele ne ya re fano, morago ga A sena go tla, ba ne ba robetse mo mmung. Thata e e tshedisang e ne e le mo go bona, mme ba ne ba le bontlhabongwe jwa Gagwe, baitshepi bao. Ba ne ba le bontlhabongwe jwa Gagwe, ka gore ba ne ba dumetse mo go Ena.

²⁸² Ka ntlha ya go nna le bokgoni ba ne ba na le Botshelo joo, ka setlhabelo sa nku, tetlanyo, e e neng e ka sekya ba ya kgona go busetsa mowa wa nku mo godimo ga motho. Go ka tweng jaanong ka Mowa wa Motho, Modimo ka Sebele, mo go wena, lo a bona, ke Thata e e fetang ga kae e e tshedisang e re nang nayo! Fela ka tetlanyetso ya boleo kwana e ne ya dirwa setlhabelo, mo setshwantshong. Se re nang naso ga se setshwantsho, ke se se emetsweng ke setshwantsho. Ke eng se re boifang ka ntlha ya sone? Mme bagoma bao ba neng ba na le fela setshwantsho, ba supela kwa tsogong ya Gagwe, mme ba ya tlase ka mo lebitleng le sone.

²⁸³ Jaaka Jobe kwa morago kwa fa tlase ga ngakalalo ya gagwe e tona, ijaa, sengwe le sengwe se ne se tlositswe mo go ena! Diabolo ne a re, “Nte ke mo tseye. Ke tlaa mo dira a Go hutse mo sefatlhegong sa Gago.” Mme foo o ne a gololesega.

²⁸⁴ O ne a re, “O sekya wa tsaya botshelo jwa gagwe.” Mme o ne a dira (ene) tsotlhe ntleng ga go tsaya botshelo jwa gagwe.

²⁸⁵ Mme mosadi wa gagwe ebile ne a fetoga go nna kgatlhanong le ena. O ne a re mohemo wa gagwe o ne o fetogile go nna o o sa tlwaelesegang mo go ena. Ka mafoko a mangwe, mosadi—mosadi ne a sa rate go nna le sepe se se amanang le ena. O ne okare ga a sa tlhola a mo rata, fela a mo kgoromeletsa kgakala. “Jobe, wena o tlhomola pelo! Goreng o sa hutse Modimo fela, mme o swe?”

Ne a re, “Wena o bua jaaka mosadi wa seelelele.” Ijoo!

²⁸⁶ Lo a bona, o ne a tshwara sone se a neng a na le sone. Jaanong, o ne a le moporofeti. O ne a re, “Nna ga ke moleofi. Ke ne ka ntsha setlhabelo se se tlametsweng.” Amen. O ne a itse kwa a neng a eme teng. O ne a le mo Lefokong. Go sa kgathalesege se bangwe ba neng ba se bua, o ne a le gone foo fa Lefokong. Ka nako eo oura eo e e gakgamatsang . . . Ne a re, “O bua jaaka mosadi wa seelele.” O ne a re, “Morena o neile, Morena o tsere; goreng, a go segofatswe Leina la Morena!” Ne a re, “Ke tlie mo lefatsheng lena ke sena sepe. Ke tlie fano, ke sa ikatega, ke tlaa tswa ka tsela e e tshwanang. A go segofatswe Leina la Morena!” A dutse foo, a tswile dintho, bana ba gagwe ba sule, o ne a iteilwe ke lehuma, mme ditsala tsa gagwe tsotlhe di ne di mo thanogetse, maloko a kereke ya gagwe, sengwe le sengwe se sele, a ingwaa ka se . . . Mme a mmogisegi yo o tlhomolang pelo! Go fitlhela nako e ga go le a mo mongwe wa lona yo kileng a ralala seo. Le fa go ntse jalo, o ne a tshwarelala mo Lefokong leo.

²⁸⁷ O ne a le ntsu. Ijoo! O ka se kgone go tshola bobo mo godimo ga matlho a gagwe nako yotlhe. Nnyaya, nnyaya. Ka tshoganetso, a neng a eme mo Lefokong leo, ne ga diragala eng? Mawapi ne a obogela morago, ditumo tsa maru di ne tsa simolola go duma, dikgadima di ne tsa simolola go gadima, mme Jobe ne a lebelela godimo a bo a bona ponatshegelo, a bo a re, “Ke a itse Morekolodi wa me o a tshela. Kwa metlheng ya bofelo O tlaa ema mo lefatsheng lena. Mme le fa morago ga diboko tsa letlalo di sena go senya mmele ona, masapo le gotlhe, Thata e e tshedisang eo e tlaa bo e le teng. Ke tlaa bona Modimo ka bonna, Yo ke tlaa mmonang ka sebele. Matlho a me a tlaa bona mme eseng a mongwe.” A moo go jalo? “Le fa morago ga diphilo tsa me di sena go lakailwa mo gare ga me, le fa morago diboko tsa letlalo tse di leng mo mmeleng wa me jaanong, di tlaa o senya.”

²⁸⁸ Lo a itse, diboko tsa letlalo ga di tle mo go wena. Seboko seo se setse se le mo go wena, diboko tse e leng tsa letlalo la gago. A o kile wa lemoga seo? Ba go tsenya mo lekesing, mme ba le dire le se tsenye mowa ope; ditshedinyana di tlaa go ja di go fetse, fela go tshwana, ka gore tsone di ka mo go wena. Wena o fela segopa sa ditshedinyana, go tloga tshimologong, ka mo teng.

²⁸⁹ “Le fa diboko tsa letlalo, diboko tsa letlalo la me di ntshenya, nama ya me, le fa go le jalo mo nameng ya me ke tlaa bona Modimo.”

²⁹⁰ Mme mo mosong oo wa tsogo! Kgalalelo! Haleluya! Matheo, mokwadi yo mogolo yona, 27:51, ne a re, “Morago ga A sena go tsoga baswing, gore baitshepi ba Kqolagano e Kgologolo, ba le bantsi ba bao ba ba neng ba robetse mo loroleng la lefatshe, ba ne ba tswa mo lebitleng, mme ba tsena mo motsemogolo mme ba bonala ko go ba le bantsi.” Thata e e tshedisang eo, e ne e santse e le mo go one masapo ao a ga Elia ka nako e go neng go sa tlhole go na le masapo, e santse e le mo go Jobe ka nako e go neng go se

na lorole le le tlalang leso le setse mo mmeleng wa gagwe. Fela Thata e e tshedisang e ne santse e le foo.

²⁹¹ “Fa Mowa ona o o tsotsitseng Jesu baswing o nna mo go wena, Ena gape o tlaa tshedisa mmele wa gago o o swang.” Lemogang, ka bonako jaanong.

²⁹² Wa re, “Ao, ke eletsa ke ka bo ke tshedile kwa morago . . .” Wena o tshela mo nakong e e botoka. Jaanong fa lone lotlhe . . .

²⁹³ Ke lo bona lo kwala fatshe Dikwalo dingwe. Go siame, kwalang fatshe Bathesalonika ba Ntlha 4:16. Lemogang ka fa go leng go ntle ka teng, lo a bona. Mo go . . . “Baitshepi, bone ba ba neng ba robetse mo go Keresete, Modimo o tlaa ba tlisa le Ena,” lo a bona, baitshepi mo lebitleng, ba ikhuditse. Jaaka Elia ne a ntse, bangwe jaaka Elisha a ne a ntse, lo a bona, bangwe ba bone ba tlaa tshedisiwa, bangwe ba tlaa tsewa, bangwe ba tlaa bo ba le mo lebitleng. Ba tlaa tsamaya le Ena. “Terompeta ya Modimo e tla duma, mme baswi mo go Keresete ba tla tsoga pele. Mme rona ba re tshelang mme re setse re tla phamolwa ga mmogo le bona, go kgatlhantsha Morena mo loaping.” Thata e e tshedisang mo batsheding; Thata e e tshedisang mo baswing. Lo a bona?

²⁹⁴ Thata e e tshedisang e e tshwanang ya Modimo e emetwe mo baporofeting ba babedi bao. Lebang maina a bona, a batlide a tshwana, Elisha, Elija. Lo bona Monyadiwa le Monyadi? Mongwe wa bona ke Rrê Jesu; yo mongwe ke Mmê Jesu. Lo a bona, a batlide a tshwana, fela—fela fa gare ga monn—Monna le Mosadi. Lo a bona?

²⁹⁵ Elia, mme lebang ka fa go emetsweng fano. Jaanong, Elisha . . . Ne a tthatlosiwa mo phamolong, a emetse Kereke, go siame, Elia; mme Elisha ne a ikhutsa go tsamaya ko tsogong. Lo a bona? Go jaaka nonyane, e tlhoka diphuka di le pedi go itshetlela. Lo a bona? Kereke e ne e emetswe gone foo mo baporofeting bao ba le babedi. “Gonne rona ba ba tshelang mme re setse go fitlheng ga go tla ga Morena, ga re na go thibela bao ba ba robetseng; gonne Terompeta ya Modimo e tla duma,” diphuka tsoopedi di tla kopana, mme re tlaa fofela kong, haleluya, re fofole kgakala. Ka gore, (eng?) mo batsheding, kgotsa baswing, Thata e e tshedisang eo e santse e tshela.

²⁹⁶ Lemogang. Gakologelwang, gakologelwang jaanong, ba tshedisitswe gore ba bone se dilo tsena di leng sone. Elang tlhoko Thata e e tshedisang ya motlha ona. Gakologelwang, rona re tshedisitswe. E se kgale, ka ntlha ya thuso . . .

²⁹⁷ Mme ke—ke akanya gore Morena wa rona ne a re, mme le Paulo ne a rialo, “Se Rara a se mpontshitseng, nna ga ke a fitlha sepe. Ke a le bolelela.” Mme mo metlheng ena ya bofelo fa re boneng Thata e e tshedisang ya Gagwe mo go rona, O ne a re neela le e leng Thata e e tshedisang, go bona ba ba lwalang ba fodisiwa. Re bone Thata e e Tshedisang e dira mo gare ga rona, jaaka E ne e le ka nako eo mo metlheng eo ya sesheng, lo a bona,

ra E bona e busa ka ponatshegelo ebile e tsosa ba ba suleng, ra E bona siamisa ba ba lwalang.

²⁹⁸ Maloba ke ne ke bolelela mongwe. Donavon Weerts yo monnye fano, ke a fopholetsa lona lotlhe lo a mo itse. Ke ne ke le kong ke tsoma le ena. Mogoma yo monnye yo o tlhomolang pelo... Ena ke mogoma yo monnye yo o siameng. O tla fano go tsena kereke. Ena o tlaa... Fela tsala e e siameng thata ya me. Mme ena fela... O ne a re, "Ke ne ke sa batle go go tshwenya."

²⁹⁹ Ke ne ka leba, mme tsebe ya gagwe, e ne e Tlhanogile gotlhelele, boteng bo lebile kwa ntle. Mme ke ne ka re, "O ikutlwang, Donavon?" Ne fela ka mo tshwara ka seatla, fela *jalo*, mme e le kankere. Ke ne ka re, "Donavon, bothata ke eng ka tsebe ya gago?"

³⁰⁰ O ne a re, "Ga ke itse, Mokaulengwe Branham. Go ka nna dikgwedi di le thataro, supa, mme yone e tswelela fela e nna..."

Ke ne ka re, "Goreng o ne o sa bue sengwe ka ga yone?"

³⁰¹ Ne a re, "Nna—nna ke ne ke sa batle go go tshwenya, Mokaulengwe Branham."

Ke ne ka re, "A o a itse gore ke eng?"

Ne a re, "Ke na le kakanyo."

³⁰² Ke ne fela ka baya seatla mo godimo ga gagwe, ga ke a ka ka bua lefoko. Malatsi a le mabedi morago ga moo, go ne go se le e leng lebadji. Moo ke eng? Thata e e tshedisang, lo a bona, E tlaa tshedisa mmele wa gago o o swang. Tsebe ya gagwe e ne e tlaa jega, boboko jwa gagwe bo ne bo tlaa bo bo ile, lo a bona, ena a ka bo a sule. Fela, Thata e e tshedisang! Lo a bona?

³⁰³ Mme letsatsi lengwe fa ke ne ke lapisegile, ka bona, ka ga... Ke ne ka re, "Fa wena... Thaka, wena go botoka o tswelele pele, wena o bogolo jwa dingwaga di le masome a le matlhano. Wena, fa o ile go direla Morena sengwe, go botoka wena o itlhaganele mme o go dire. Wena o a tsofala." Lo a bona? Mme foo mosong oo, Thata e e tshedisang ne ya tla, mme O ne a ntletla ke lebe kwa moseja ga sesiro, mme ke ne ka lo bona lotlhe golo ka koo. Uh-huh. Lo a bona? O ne a re, "Botlhe ba le ka nako nngwe o kileng wa ba rata, le botlhe ba ba neng ba go rata, o ba neilwe." Lo a bona? Nna ke ba bone botlhe golo ka kwa fela *jalo*. E ne e le eng? Thata e e tshedisang.

³⁰⁴ Johane wa mosenodi ne a tletse ka Thata e e tshedisang, yo neng a ema mme a bona bokhutlo go tloga tshimologong.

³⁰⁵ Isaia ne a tletse ka Thata e e tshedisang, mme ne a ema mme a bona Mileniamo le tsotlhe.

³⁰⁶ Thata e e tshedisang! "Mme fa Mowa o o tsositseng Keresete mo baswing, o nna mo go wena, O tlaa tshedisa mmele wa gago o o swang... mmele o o swang." Gakologelwang, Thata e e tshedisang!

³⁰⁷ Lebang se re se boneng mo motlheng ona. Thata e e Tshedisang e tlie mo go rona, go bula Dikano tse Supa. E ne e le eng, botlhale jwa motho? Nnyaya, Thata e e tshedisang ya Modimo. Lo a bona, Thata e e tshedisang ya Modimo ne ya bolelela pele gore mona go tlaa diragala. Lo a bona, Thata e e tshedisang ya Modimo ne ya dira gore lefatshe le E supele, gore ke Boammaaruri. Moengele wa Morena, ke ne ka lo bolelela, o ne a le mo tikologong, mo Pinagareng ya Molelo; Thata e e tshedisang ne ya letla gore lefatshe le supe gore Yone ke Boammaaruri. Mme, mo go seo, ba ne ba sa itse se E neng e le sone; mme re ne re itse, leba fela ka tsela *ena*, mme Ke Morena wa rona kwa godimo koo, lo a bona.

³⁰⁸ Ena ke Ena Yo o butseng Dikano tseo. Ena ke Dikano tseo, gonne Lefoko lotlhe la Modimo ke Keresete, mme Keresete ke Dikano tse di neng tsa bulwa. Go bulwa ga Dikano ke eng ka ntsha eo? Go senolwa ga Keresete.

³⁰⁹ Mme tota bone Baengele bao ba ba supa, ba ba neng ba emetse Dikereke tse Supa tsotlhe di feletse, mme re ne re sa kgone le e leng go Go bona. Ba ne ba dira, ba ne ba tsaya setswantsho, eseng rona. Mme Ena ke yoo, aeme foo, Moatlhodi yo o Mogolo golo; a supegetsa gore Ena ke Alefa le Omega, tshimologo le bokhutlo. A sesupo! Thata e e tshedisang e re dirile seo.

³¹⁰ Thata e e tshedisang e re letlelala gore re bone go tlaa ga Gagwe. Thata e e tshedisang e re swatotse go tswa losong go ya Botshelong. Thata e e tshedisang e neela temogo; go itse se se leng phoso ka wena, le se se tshwanetsweng go dirwa; se o se dirileng, le se o tshwanetseng o ka be o sa se dira; le se o tshwanetseng o ka be o se dirile, le se o tlaa nnang sone. Thata e e tshedisang, dilo tsotlhe tsena!

³¹¹ Morena wa rona Jesu o tletse thata ka Thata e e tshedisang, O ne a le Yone yotlhe, go kopane. O ne a tletse thata ka Thata e e tshedisang, O ne a bua sena, “Lo senyeng mmele ona, mme nna Ke tlaa o tsosa mo malatsing a le mararo.” Bua ka ga tshepo mo Thateng e e tshedisang! “Senyang mmele ona, mme nna Ke tlaa . . . tempele ena, mme nna Ke tlaa e tsosa mo malatsing a le mararo.”

³¹² Goreng, goreng A ne a ka bua seo? O ne a itse gore go ne go kwadilwe ka ga Ena, lo a bona, gore go ne go kwadilwe ka ga Ena, ke Lefoko la Modimo le le ka se palelweng. Lefoko le ne la re, “Ga Ke tle go tlogela Moitshepi wa Me go bona go bola, ebile ga Ke tle go tlogela mowa wa Gagwe wa botho ko bobipong.” Mme O ne a itse gore Thata e e tshedisang eo e ne e tlie go Mo tsosa, gore go ne go ka se tle ga nna le sele e le nngwe e e tlaa bolang.

³¹³ O ne a re, “Lo senyeng tempele ena, mme nna Ke tlaa e tsosa gape mo malatsing a le mararo.”

³¹⁴ Goreng? E ne e le seporofeto, Lefoko la Modimo. Mme seporofeto, fa Se le Lefoko la Modimo le le boammaaruri, se ka

se ka sa palelwa. Mme seporofeto se se tshwanang le Lefoko la Modimo le le buileng gore O tlala Mo tsosa, sa re gore rona re setse re tsositswe le Ena. Ga e kgane A ne a re, “Lo se boife.” Mme go kwadilwe, gore, “Mowa o o leng teng jaanong, o neng o le mo go Ena, jaanong o mo go rona, gape o tshedisa mmele wa rona o o swang.” O se boife, tsala, M-o-r-w-a o tsogile. Morwa o tsogile. Ga go...

³¹⁵ Jaanong lebang kwa phetogong. Re ne, mongwe le mongwe wa rona re, emetswe foo. Go ne go le baitshepi ba ba tshelang ba ba neng ba phamotswe, go ne go na le Elia aeme foo; mme foo go ne go eme Moshe, baitshepi ba ba suleng ba emets-... Gape, boobabedi ba ne ba na le Thata e e tshedisang. A kana mongwe o ne a sule, mme yo mongwe ga a a ka a swa, bone botlhe ba ne ba le foo.

³¹⁶ Lemogang, ao, lebang se re se bonang jaanong mo methleng ena ya bofelo. Selo se se tshwanang se A se sololeditseng, Johane 14:12. Jaanong lebang. [Fa go sa theipiwang teng fa theiping—Mor.] Go tlhomame.

Batho ba re, “Lo bolela gore le na le thata?” Nnyaya, nnyaya, nnyaya.

³¹⁷ Re fela jaaka bona kwa Thabeng ya Phetogo, lo a bona. Go tlhomame, rona ga re ipolele thata epe. Fela, rona, jaaka—jaaka ba ne ba ntse... Mo Thabeng ya Phetogo, ba ne ba sa re, Moshe, a re, “Bona yo, bonang yo nna ke leng ena,” barutwa ba re, “bonang yo nna ke leng ena, bonang yo nna ke leng ena.” Lo itse se se diragetseng? Lemogang, ba ne ba bona Jesu a galaleditswe. Moo ke gotlhe mo ba neng ba batla go go bona go emetswe, Jesu a galaleditswe.

³¹⁸ Mme go jalo gompieno, ga re leke go nna motho mongwe yo mogolo. Ga re kgathale se batho ba se buang ka ga rona. Leina la rona ga se sepe; ke Leina la Gagwe. Botshelo jwa rona, ga se sepe, ke Botshelo jwa Gagwe. Ke Thata ya gagwe, e sang thata ya rona. Mme go na le selo se le sangwe se re ratang go se dira, ke go Mmona a galaleditswe. Mme gone go ka nna jang? Fa Ena a galaleditswe mo go rona, ke tsogo ya Gagwe e e leng ka mo go rona. Re Mmona a emetswe gape gompieno, jaaka A ne a ntse.

³¹⁹ A lo ne lwa tlhalogantse seo? Lo a bona, keletso ya rona ga se go galalediwa. Keletso ya rona ga se leina lengwe le le golo. Keletso ya rona ga se go rotloetsa kereke nngwe, kgotsa go tlisa ba le bantsi mo sekolong sa Letsatsi la Tshipi, kgotsa go leka go tsenya mo teng, ba bofeletswe jaaka kolobe, ba kgoromeletswa mo teng, go ntsha moletlo wa pikiniki, kgotsa go tlisa ditshimega, dikonopo, kgotsa sangwe se sele se se jaaka seo. Eo ga se keletso ya rona. Keletso ya rona ke go Mmona a galaleditswe. A galaleditswe, (eng?) eseng ka boipelafatso; fela mo teng ga rona, matshelo a rona, go netefatsa gore O a tshela mme o tshela mo go rona.

³²⁰ Fa nka kgona go intsha mo tseleng, gore nako e William Branham ebileng go sa akanngweng ka ga ena, le e leng le lona go sa akanngwe ka ga lone, go fithela re kgona go bona Jesu a galaleditswe mo gare ga rona. Go Mmona, eo ke keletso ya rona. Moo ke ya go tshedi—... go re neela Thata e e tshedisang. Mme go re neela boitumelo, go itse gore re na le Ena, tsoopedi nama le lerapo tsa Gagwe, re leng Monyadiwa wa Gagwe; mme re bona ditsela tse di tshwanang tsa Gagwe tsa go dira tse di rurifaditsweng, di netefatsa mo teng ga rona gore Ena jaanong o tsogile mo baswing. Lo a bona?

³²¹ Ga e kgane A ne a re, “Se boifeng,” gonne jaanong, lemogang, re rekolotswe ke Ena, mme jaanong re tsogile le Ena. Seo ke se Paseka e se kayang mo bathong, “tsogile le Ena”! Lemoga. Jaanong re na le Mowa wa Gagwe mo go rona, setlankana sa tshoboko ya thuo se dueletswe ka botlalo.

³²² Nnyaya, ga lo re, “Sentle, ke solo fela gore ke a falola.” O setse o falotse. Eseng, “Ke tlaa falola.” Ke setse ke falotse. Ga ke ise ke falole; O ne a mphalolela. Lo a bona? Eseng nna; Ena! “Sentle, Mokaulengwe Branham, ba re...” Nna ga ke kgathale se ba se buang. Foo O ne a falola, ka ntlha ya me. Moo ke gotlhe mo ke go batlang, mo nna ke kgathalang ka ga gone.

³²³ Nna fela—nna ke batla fela go Mmona a bonaditswe. O ka kgona jang go go dira, go Mmiletsha tlase? Nnyaya. Ena o mo go wena. Lo a bona, Ena o mo go wena. “Sentle, ka ntlha eo, Morena, fa nka kgona go intsha mo tseleng, Wena o ka kgona go iponatsha. Nna ka sebele... Wena O ka kgona jang go go dira? Ka gore O go laoletse pele go nna jalo. ‘Botlhe ba Rara a ba Nneileng ba tlaa tla.’” Lemogang. Kgalalelo!

³²⁴ Ka jotlhe bosupi joo bo kokoantswe, mo go rona jaanong mosong ono, ao, ke akanya ka ga sefela seo:

Mo mosong oo wa tsogo,
Motlhlang dilodi tsa loso di tlaa kgaolwang,
Re tlaa tsoga, (Haleluya!) re tlaa tsoga!

³²⁵ Lo dumela seo? [Phuthego ya re, “Amen.”—Mor.] Re tlaa tsoga! Mo go Ena re fetoga go nna bonthabongwe jwa Gagwe, Paseka, sephiri se se senotsweng sa Modimo jaaka go ne go ntse ka nako eo, sa Botshelo morago ga loso. Rona jaanong re a tshela, ba nako nngwe re neng re sule mo boleong le ditlolong. Sekano sa nnete sa Paseka se kgaotse loso go tloga mo go nna, mme nna ke a tshela. Sekano sa Paseka, kwa tshimologong, ne sa thuba sekano sa sekano sa Seroma, Sekano sa Paseka, se A neng a kaneletswe ka mo go sone. Mme batho, fa baswa, ba ne ba ile; fela Ena ne a kgaola sekano a bo a senola sephiri. Mme jaanong Modimo, ka Mowa o o Boitshepo wa Gagwe, o kgaotse sekano se tloge mo tikologong ya matshelo a rona, mme Keresete o senotswe jaaka A tshela mo go rona, gonne jaanong re tshedisitswe le Ena. Ao, tsebe morago ga tsebe!

Re tla tsoga, (Haleluya!)
 Re tla tsoga! (Amen!)
 Mo mosong oo wa tsogo,
 Motlhang dipota tsa loso di neng di thujwa,
 Re tla tsoga, (Haleluya!) re tla tsoga!

³²⁶ Ao, a lona ga le a ipela! Nna ke ipetse thata jang! Kgakala kwa morago golo ka kwa, mo leobong le lennye la kgale la malatlhha mosong o mongwe, dikano di ne tsa kgaolwa, mme ke ne ka tsoga le Ena, setshedi se seša. Thata e e tshedisang ya Gagwe; Morwa o tsogile

³²⁷ E se bogologolo, ke ne ka bolelelwa polelo e nnye ka ga motshwa—motshwaraditlhapi. Mogoma ne a tla kwano a bo a thapa motshwaraditlhapi yo o godileng go mo isa go tshwara ditlhapi ko Lotshitshing lwa Bophirima. Ba ne ba tswa mosong oo.

³²⁸ Fa ope wa lone a kile a thaya tlhapi ya salmone golo koo, goreng, lo a itse ke eng se se diragalang, go nna mo go leoto mo go boitshegang golo koo. Ke bona mokaulengwe wa me yo monnye, Eddie Byskal, golo foo, moanamisa tumelo ko Maindieng golo kole. Mme re ne re tshwara ditlhapi, ka borone, golo ko matshitshing ao.

³²⁹ Jalo he motshwaraditlhapi yoo ne a le mohuta wa mašampolane, lo a itse. O ne a ya go tshwara ditlhapi, mme ba ne ba kokobalela kong. Ba letetse gore tlhabo ya letsatsi e tle, lo a itse. Mme ba—ba ne ba sa tlhole ba kgona go utlwa setlhabamokgosi sa dikepe, mme motshwaraditlhapi yona ne a nna yo o gakatsegileng thata, ne a re, “Naare, rona re tseelegela ntle kwa lewatleng! Hela!” Ne a gakatsegaa thata thata.

³³⁰ Ne a re, “Dula faatshe, morwa. Dula faatshe.” Motshwaraditlhapi yo o godileng, a didimetse, lo a itse. O ne a itse se a neng a bua ka ga sone. Ne a re, “Leta fela go ya letsatsi le tlhaba, fong re ka kgona go bona kwa re leng teng.”

Wa re, “A nna ke tshwanetse ke nne Momethodisti? Mobaptisti? Mopentekoste?”

³³¹ Leta fela. Morwa o a thlatloga, re tlaa bona kwa re leng teng. Ena ke lefoko. Leta go tsamaya o bona Lefoko le bonaditswe, le phatsima go kgabaganya Peo, Ngata e e fokisitsweng, re tlaa bona kwa re leng teng. A lo a Mo rata? [Phuthego ya re, “Amen.”—Mor.]

³³² Ke maswabi ke lo diegisitse bolelee jo bo kana. Ke ba le kae ba lone ba ba ileng go lala bosigong jono? Ao, boang fela gape fong, maitseboeng ano, lo a bona. Go ka nna nako ya bosupa? A le na le mongwe o sele? [Mokaulengwe Neville a re, “Nnyaya.”—Mor.]

A re obeng ditlhogo tsa rona.

³³³ A gona le mongwe fano, kgotsa ba le bantsi, ba ba senang Thata e e tshedisang ena mo go lone? Morwa o phatsimile go kgabaganya, mme lo ntse mo motlaaganeng ona, lo reeditse ditheipi, mme le fa go le jalo Mowa ga o ise o lo tshedise go tsamaya le kgora go latela Lefoko la Modimo, gore lona basadi le lona banna lo kgone go obamela Lefoko lengwe le lengwe le A le kwadileng! Ao, moo ke selo se se diphatsa. Go ka tweng fa o tlaa bo o le peo e e suleng, go se Botshelo mo go wena? Fela go na le sengwe mo go wena, se se go bolelelang, “Nna—nna ke batla go tsoga, mosong ono. Ke batla go tthatloga go tswa mo seemong se nna ke leng mo go sone. Ga ke batle go nna fela peo e e suleng, ke tlogellwe leswe le legogodi. Ke batla go tsoga.”

³³⁴ A o tlaa tsholetsa seatla sa gago, o re, “Nthapelele, mokaulengwe”? Modimo a go segofatse. Modimo a go segofatse. Ijaa, lebang kwa diatleng; ga go na tsela epe gothelele ya piletso fa aletareng. Se re se bitsang fa piletso aletareng, batho ba tla fa godimo go dikologa aletare, nna ga ke thata mo go yone, le fa go le jalo. Moo go ne fela ga oketswa mo kerekeng ka nako ya malatsi a tsosoloso ya Methodisti. Lo a bona?

³³⁵ Baebele ne ya re, “Ba le bantsi ba ba dumetseng, lo a bona, ba ne ba kolobetswa.” Go na le lekadiba fano, le le tletseng metsi, le letetse molopi mongwe le mongwe yo o ipaakantseng go swa mo go ena.

³³⁶ Jaanong, lo ka nna lwa bo lo fitlhilwe mo teng, dinako di le dintsi, mo Leineng la Morena Jesu; fela go tsamaya peo eo e nna Botshelo, lo a bona, ga E tle go e tshedisa. Nnyaya, nnyaya, nnyaya. Kolobetso ya metsi e jaaka monyo o o neng wa wa go tswa legodimong; o ka wela mo godimo ga peo, fela, ga go na Botshelo foo, ga e kgone go tshela.

³³⁷ Fela fa kolobetso eo ya mmannete ya metsi, ya loso mo sebeleng sa gago, mme wena o ipaakanyeditse go swa mo sengweng le sengwe se o kileng wa ba wa se rutwa ke ditumelo tsa dikereke le makoko, se se leng kgatlanong le Lefoko, mme o tsamaye jaaka morwa kgotsa morwadua Modimo, mme o go ikaeletse ka mo pelong ya gago, ela tlhoko se kolobetso eo ya metsi e tlaa se go direlang mosong ono. “Sokologang, mongwe le mongwe wa lona, mme lo kolobetsweng ka Leina la Jesu Keresete gore le tle le itshwarelwiphe diphaso tsa lona, boleo jwa lona, mme lo tlaa amogela Ngata, tshupelo ya mofoko. O tlaa amogela Thata ya didiriswiwa, Mowa o o Boitshepo. Gonno tsholofetso ke ya lona, le bona bottle. Go ya kwa dikokomaneng tsotlhe, go tlaa nna jalo.”

³³⁸ Modimo Rara, nna—nna ke buile mo go leelee, mme ka tsaya nako e ntsi ya batho, fela, Morena Modimo, ga go na go khutla mo go gone. Ekete fela o tshwanetse fela o tlogele mme o tsamaele kgakala, mme o ikhutse, o bo o boa. Re tshela mo lefatsheng le le swang, mo gare ga batho ba ba swang; ka Molaetsa wa Botshelo, mme le ka bosupi jwa tsogo. Modimo yo o rategang, rona re ile

fela go nna batho ba ba swang gangwefela, mme gone go tlaa nna eng fa re lettelela tshono ena e re fete?

³³⁹ Dipelo tsa rona di a tuka; mewa ya rona ya botho e gakatsegile; bana ba ba tseneng. Mme ba le bantsi fano ba utlwa Molaetsa ona mosong ono. Ee, ba le makgolo a le mabedi kgotsa a le mararo ba tsholeteditse diatla tsa bona. Ba batla go dumela, Morena. Ao, go tlhomame peo eo ga e a swa, Morena. Ba ka kgona jang go tsholetsa seatla sa bona jalo? Go na le sengwe. Oho Modimo, ke bobona jwa kgale, ke mosadi yole wa ga Jobe a eme foo, a re, “Ao!” Fela, Morena, lettelela Jobe yoo, modumedi yoo, a tsene, mosong ono, a swe gotlhelele, mme a fitlhwe fano mo kolobetsong ya metsi.

³⁴⁰ Marothodi a monyo a a tswang Legodimong, Lefoko la Modimo le le reng Le tla tlhatswetsa boleo bongwe le bongwe kgakala le bo le bo itshwarele! Wena o kolobeditswe ka Leina la Jesu Keresete, ka ntlha ya eng? Boitshwarelo jwa boleo jwa gago, maleo a itshwaretswe mo Leineng la Jesu Keresete.

³⁴¹ Mma, ka ntlha eo, Rara, mma... Fa ba lwala, mma ba tsamaya ba tswe ba siame. Mma, fa ba golafetseng, mma ba tsamaye fa tlase ga Thata ya Mowa o o Boitshepo. Fa ba ne ba le baleofi, mma ba tsamaye ba tswe ba tlhatswitswe ebile ba phepfafetse. Mma didirisiwa, ka go tsena; Thata ya didirisiwa e tle go tswa kwa Godimo, Mowa o o Boitshepo, mme o ba phamolele kgakala, Morena. Tshedisa mmele wa bona o o swang, foo re tla utlwa diteme tse diša tsa popota, dithata tsa Modimo, lerato le le iseng le bolelwe, pelotlhomogi e e swang le pelotlhomogi e e tshelang; le Keresete yo o tsogileng, Mmele, Monyadiwa a Mo emetse mo lefatsheng.

³⁴² Rara, bona ke ba Gago. Ba tsholeteditse diatla tsa bona. Nna ke rerile Lefoko. Jaanong, Rara, ba amoge, ke a rapela. Ka Leina la Jesu Keresete. ke a go kopa. Amen.

³⁴³ Lo a Mo rata? [Phuthego ya re, “Amen.”—Mor.] A Ena ga a gakgamatse? [“Amen.”] A lo kgotsofetse gore lona lo bontlhabongwe jwa tsogo eo ya Paseka, gore wena o tsogile le Ena? [“Amen.”] Tsholetsa seatla sa gago. Lo akareditswe.

³⁴⁴ “Bana ba me ba banny,” jaaka Paulo a ne a tlaa bua. Ke sa leke go mo etsa, fela, lorato, ke a lo rata. Nna ke tlhasela mebila le sengwe le sengwe se sele, go tla kwano, go kgona go bua le lona. Ke tle go tswa dikakeng, go kgabagantsha mekhoa ya sefokabolea, le jalo jalo, go fitha fano. Re fofa mo difofaneng. Lo kgweetsa go kgabaganya lefatshe, gore re kgone go tla ga mmogo. Re a ratana.

³⁴⁵ Re bontlhabongwe jwa mongwe mo go yo mongwe. Lo sekla la ba la lettelela Satane a lo bolelala sepe se sele. Le leng bontlhabongwe mongwe jwa yo mongwe, rena re bontlhabongwe jwa Gagwe. Mme re baagisanyi mmogo ba Puso, re akola ditshegofatso tsena, ga mmogo, tsa tsogo.

³⁴⁶ Mme jaanong, lo a bona, jaanong lo setse lo tsogile. Motlhhang Modimo a neng a Mo tsosa, O ne a lo tsosa. Morwa o jaanong fela mo go lona, mme jaanong lo golela ka mo Botshelong jwa lesitlha la sethunya jaaka A ne a ntse, gore le tle le tsosiwe gotlhelele mo motlheng oo wa bofelo. Go nna teng ga bokgoni ga lone, lo na le jone jaanong. Goreng lo itse? Mowa wa gago wa botho o fetogile, a ga o a dira? Mmele wa gago o ne wa tsena mo kobamelong ya Lone, a ga o a dira? Mo kobamelong ya (eng, kereke?) Lefoko, le e leng Botshelo, ka ntlha eo wena jaanong o tsogile mo baswing. Ke Paseka, le Jesu le nna. Ke Paseka, le wena le Jesu. Mme ke Paseka, le wena, nna, le Jesu. Rona rotlhe re . . . Kgotsa, Jesu, wena, le nna, rotlhe re tsogile ga mmogo.

³⁴⁷ Mme re tlaa tsoga kwa letsatsing la bofelo, le fa e le gore mewa ya rona e tlogela mebele ya rona, le fa e le gore mebele ya rona e nna le morodi, mma e ye mo loroleng, mma e tshubiwe, mma e nne kwa botlasetlaseng jwa lewatle. Baebele ne ya re, "Moengele ne a tshololela tsa gagwe mo lewatleng, mme sengwe le sengwe se se neng se sule se ne sa tlhatloga." Ga go sepe se se ka re fitlhang, kgotsa sa re kgaoganya, le Modimo yoo yo re mo ratang thata jaana, yo o re tsotseng ga mmogo.

³⁴⁸ Modimo a lo segofatse. Nna ke lo beile fano lobaka lo lo lee. Fa bona batho bao ba santse ba le teng mo mogaleng oo, bona go tlhomame ba tlaa . . . Ka disente di le masome a le mathlano ka motsotso, bona ba duetse ka mmannete, mosong ono. Fela, nna ke ne fela ke sa kgone go khutlisa oura eo, ke ne fela ke tshwanetse go tswelela pele.

³⁴⁹ Jaanong, Morena fa a ratile, ke tlaa bo ke boile bosigong jono, go bua le lona gape. Mme fa nka se kgone, mme foo lotlhe lo a itse . . . Nna ke gopola gore ga re mo go epe . . . kgotsa epe . . . Ga re sa tlhole re le mo mogaleng? Ga re sa tlhola re le mo mogaleng.

³⁵⁰ Lotlhe lo itse kwa ke yang teng, a ga lo itse? Aforika! Nna ke biditse ka lobaka lo lo lee; ka dingwaga ke nnile ke leka go boa. Jaanong ponatshegelo, Mowa wa Morena o baakantse tsela. Ba ne ba re, nako e bao ba ba tsaletseng koo ba ba tlhomolang pelo ba ne ba go utlwa, gore ke ne ka sekak tla nakong ya bofelo fa ke ne ke le koo, ba ne ba dula fa fatshe bosigo le motshegare, mme ba bokolela le go lela, mme ba re, "Morena, rona re dirile eng?" dikete tsa bona. Batho bao ga ba dumele le e leng gore ba na le mowa wa botho. Lo a bona? Mme ba ne ba lela ba bo ba bokollela, ba bo ba lela.

³⁵¹ Lo sekak lwa romela molaetsa ope kwa pele. Tsweetswee lo sekak. Lo a bona, fa visa eo go tlaa diragala gore e atlanege koo mme e nne mo gare ga badiredi bao, bona ba tlaa nthiba gone foo. Nna ke tshwanetse ke tsene jaaka motsomi. Ke ya kwa golo kwa khumagading e e neng ya tlisa diforaga tsa setimela di le lesome le bosupa kwa tlase mme a tla golo ko bokopanong. Nna ke tshwanetse go ya kwa godimo mme ke tsome mo kgaolong ya

gagwe. Mme ke tsena, ka pasa ya me le sengwe le sengwe di re motsomi, eseng tirelo ya bodumedi.

³⁵² Morago go ile go nna le mokaulengwe mongwe yo o tlaa nkqatlhantshang, a re, “Goreng o sa nne le bokopano jo bonnye jwa rona?” Mabala a setse a firilwe. Bona ga ba go itse ebile. Lo a bona? Ao, kgalalelo!

³⁵³ Ke a rapela gore thato ya Modimo ga e tle go kgorelediwa. Gore, mowa wa me wa botho o o neng wa lelela Aforika esale ke tloga, mma ke kgone go boa gape, foo ke lo tlisetse molaetsa wa bokopano jo bogolo. Nna kooteng ga ke tle go tlholo ke le bona, go tloga gompieno, go tsamaya ke boa. Re a tsamaya, fela mo malatsing a le mmalwa jaanong, ka la bolesome ka Motsheganong. A lo tlaa nthapelela? [Phuthego ya re, “Amen.”—Mor.]

³⁵⁴ Gakologelwa, ga o itse se mathata a leng sone, go tsamaya o goroga koo; baloi mo letlhakoreng lengwe le lengwe, le diabolo, mme o se akanye gore ga ba itse se ba tshwanetseng go se dira. Lo a bona? Mme wena go botoka o itse se o buang ka ga sone, fa o ema fa pele ga bone. “Fela nna ke itse Yo ke dumetseng mo go ena, ebile nna ke tlhotlheletsegile go dumela gore O nonofile go tshegetsa seo se nna ke se Mo neelang kgatlhanong le motlha o.”

Jaanong, go na le disakatukwi dingwe tse di dutseng fano.

³⁵⁵ Modimo yo o rategang, jaaka Molaetsa ona mosong ono, wa tsogo, le nna ke eme fano, Morena, mme re netefatsa ka Lefoko gore Thata e tshedisang eo e mo teng ga ngwana yo o dumelang. Ke gone ka moo, mo go dumeleng, ka tumelo, gore Thata e e tshedisang eo e fetotse botshelo jwa me. Mme batho bana ba a dumela, Morena, mme E fetotse matshelo a bona. Mme re a rapelelana.

³⁵⁶ Nna ke baya diatla tsa me mo godimo ga disakatukwi tsena, gore . . . Mma Modimo, Yo tshedisitseng Jesu Keresete mme a Mo tsosa mo baswing, mme Mowa oo o o Mo tsositseng mo baswing, o nne mo mmeleng wa rona.

³⁵⁷ Mowa o o neng o le mo mmeleng wa ga Elisha, o, morago ga a ne a sule mme go se sepe fa e se masapo, o ne o na le Thata e e tshedisang mo go one. Diatla tsa baapostolo di ne di na le Thata e e tshedisang mo go tsone. Megopolu ya baapostolo, dipono tsa baapostolo, dite—diteme tsa badumedi, botlhe ba ne ba na le Thata e e tshedisang.

³⁵⁸ Jaanong mma Thata e e tshedisang eo, jaaka ke baya Lefoko lena mo godimo ga tsone, mme diatla tsa me di emela morui, ka letlhogonolo, wa Thata e e tshedisang eo, mma E tshedise mongwe le mongwe wa mebele e e lwalang ena, mme mma ba dirwe ba ba itekanetseng gape, Modimo, ka Leina la Jesu Keresete.

³⁵⁹ Mma go se nne fela ga disakatukwi tsena, fela le batho bao kwa ntle koo ko bareetsing, mongwe le mongwe yo o bogang. Bana ba bannye bao, batho ba bagolwane, le fa e le mang yo ba leng bona, mma Thata e e tshedisang eo e ba tshedise gone jaanong, ka Leina la Jesu. Amen.

³⁶⁰ Jaanong, ke ba le kae ba ba nang le Thata e e tshedisang? [Phuthego ya re, “Amen.”—Mor.] Jaanong bayang diatla tsa lona mongwe mo godimo ga yo mongwe, fa Thata e e tshedisang eo e le mo go wena.

³⁶¹ Jaanong, go na le fela selo se le sengwe se se tlaa E thibelang, go kgoreletsa, seo ke tumologo ya gago. Mosadi ne a ama kobo ya Gagwe, o ne a siamisiwa; lesole la Moroma le ne la kgwela mo sefatlhegong sa Gagwe, mme ne a ya kwa bobipong. Lo a bona? Jalo he go ne ga . . . go ikaega kwa wena o leng teng. A lo a E dumela? [Phuthego ya re, “Amen.”—Mor.] A lo a E dumela?

³⁶² Jaanong ke batla lo inamiseng tlhogo ya lona mme lo rapelelaneng. Rapelang gone fela-fela, lo reng fela, “Morena, motho yona” . . . Lo a bona, rapelelanang fela.

³⁶³ Modimo yo o rategang, re dira sena ka Leina la Jesu Keresete, Leina le le esi le le neilweng mo gare ba batho le ka lone re ka kgonang go pholosiwa kgotsa ra fodisiwa. Batho bana, ba ba leng baagi ga mmogo ba Mmuso, barui ba Thata e e tshedisang, E ba tshedisetse, Morena, fela jaanong. Mma Mowa o tloge mo ntsung go ya ko ntsung, go tloga Lefokong go ya Lefokong, go fitlha botlalo jwa ga Jesu Keresete bo bonatswa mo go mongwe le mongwe ka bonosi jwa mebele, ka ntlha ya letlhoko la mo nameng, la mo moweng, kgotsa letlhoko lepe le ba nang le tlhoko la lone, jaaka re baya diatla tsa rona mongwe mo godimo ga yo mongwe. Ka Leina la Jesu Keresete.



KE TLHABO YA LETSATSI TSW65-0418M
(It Is The Rising Of The Sun)

Molaetsa o ka Mokaulengwe William Marrion Branham o ne wa rerwa la ntlha ka Sekgowa mo mosong wa Letsatsi la Tshipi, Moranang 18, 1965, kwa Motlaaganeng wa Branham mo Jeffersonville, Indiana, U.S.A. O tserwe mo theiping ya makenete mme wa gatisiwa ka Sekgowa o sa khutswafadiwa. Phuthololo e ya Setswana e ne ya gatisiwa le go abiwa ke ba Voice Of God Recordings.

TSWANA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org